

鵝洲申氏世譜

鵝洲申氏世譜

世德編

世德編

所藏番號	號
冊名	
發行年月日	西紀 19 年 月 日
所藏年月日	西紀 19 年 月 日
所藏者	韓國族譜研究所 代表 鄭 昶 圭



백인제기념도서관
Paik inje Memorial Library

鵝洲申氏世譜

世德編

所藏番號	號
冊名	
發行年月日	西紀 19 年 月 日
所藏年月日	西紀 19 年 月 日
所藏者	韓國族譜研究所

代表 纂 裴 世 積 氏 傳 記
 Paik Inje Memorial Library

鶴洲申氏世德編單

序跋
墓碣銘
遺事



백인제기념도서관
Paik inje Memorial Library

鵝洲申氏世譜序

氏之有譜昉自古昔天子賜姓諸侯命族姓者統于一也族者分其羣也及其支裔繁而後屬遠合之為譜周官小史氏掌奠世繫辨昭穆故世家古族必修明譜系以推源溯本而收宗厚俗是聖王風勸世教之一道也我東之申肇自高麗壯節公崇謙至鵝洲君益休為受封分籍之祖鵝卽巨濟屬縣也版圖公允濡以清直顯于世按廉公祐以孝著蹟而院享自後雲仍布濩湖嶺門闌比櫛蓮桂蟬聯稱為吾東巨閥惟其區疆閭闔而名面或錯行第漸遠而情義浸踈不有以會統而講修之則殆蘇氏所謂路人之無間者也又其事力多絀詢謀難諧勢所不免此派譜之所以不得已而作也偏而不圓雖若可恨然自其派分而後一家文獻之嫩亦云賊矣棣華聯芳輝映一時抗敵殉身血涕誓勉報國之忠也為壽盡職連世棹楔百行之原也敷歷清顯擅盟儒壇望實之重也養閒林泉耆德隆邛仁壽之驗也由是而承藉傳受宗匠林立徽猷懿範式至今未沫赫世箕裘之襲一開卷而瞭然如指掌苟使諸公之後承因是役而益修紹述

之業則華宗再昌之會安知不基本於今日按是譜而更勉敦睦之誼則大同團合之期安知不踵成於來後而古聖之惓惓於序統明系者亦豈無所以而然哉元鎬燦基幹其事編第既完將付剞劂相鎬鍾榮甫越五舍問序於不佞吾祖兩侍郎公卽同樞公之宅相也忝在自出不敢以年耄筆萎辭遂盥手書于卷端為鵝洲氏派譜序

蒼狗黃華節完山後人柳淵龜書

夫姓者生也為祖令之相生而下及百世族者屬也為子孫之連屬而旁支別屬則各自為氏是故一姓之祖連生百子千孫一家之屬分為千百萬家者也氏族各自一已視之雖有親疎之分自祖先視之均是子孫而固無親疎之別故尊祖敬宗而後孝弟之道行修族合譜而後敦睦之風興焉其如姓苑氏族志及歐陽蘇氏之譜是矣修譜固不美哉吾鵝洲之申與平山同祖而異貫者始祖壯節公後至光祿大夫侍郎公諱益休分封鵝洲君故也諱祐仕高麗官至掌令為全羅道按廉使父版圖判書諱允濡卒廬墓三年朝夕號哭雙竹生墓前事聞 旌閭有二子光富光貴

子孫之繁衍其麗蓋不尠而修譜尚未逮也支分派別而世代推遷則不識其公為幾世先祖睽離散處而親屬疏遠則不知某人為何派後裔誠可歎也若夫今因循則散者愈散遠者愈遠雖欲使之尊祖敬宗而修其孝悌敦睦之行寧可得乎宜乎不問宗支遠近大同合力以為吾宗一統之譜是誠今日諸宗之本意而邑派諸宗議或矛盾力又未逮獨清龜派遂詢謀收單編成若干卷付諸剞劂而頒于派宗是譜也奚但止尊祖敦族而已亦將為明彝倫厚風俗之一助也

乙亥四月 日後孫光鎬謹撰

族之有譜以記名而著代也同禰者為兄弟同祖者為堂從同曾祖者為再從苟不記其世代次序則無以考其本源之所自出而至於親盡服盡自此而漸遠則殆眉山蘇氏所謂路人之無異也此族譜之所以作也惟我鵝洲之申本自平山高麗壯節公諱崇謙後有諱衍字淑字於壯節公或書十一世孫或書十二世孫世代愈久文獻無徵以為傳疑者久矣今考寧海譜華海師全則十一世書之似或無疑而淑字之子諱益休以軍

功封揚州君諱英美為受封分貴之祖鵝卸巨濟屬縣也四世有諱祐官至全羅道按廉使丁判書公卒廬墓三年出天至孝有雙竹之異事聞旋聞子孫之散居湖嶺者其麗不億間有擢高第登顯仕又有寢孝行擅儒匠曜明德守風聲於百世之下人稱華宗名門而修譜之舉此積世未遑之事也迺於年前門議齋發哀集中衍博考遺蹟粵數年竣成幾卷冊子雖未至大同之圓此吾族之有姓以來始有勝事也自茲以後尤有所望於諸族者適追祖先之遺業益勉敦睦之厚誼世世相守守而勿替則此非但有譜之幸而將為千百世無窮之基福也嗟我諸族盍相勉諸譜冊既成將付剞劂以孤陋淺識不敢當弁首之文惟掩名是幸遂不揆僭越略為之序

乙亥四月 日後孫聲遠謹撰

譜者籍錄世系而尊祖敦宗之義所由生也其故何哉夫人之身出於父父又出於祖祖又出於始祖始祖又出於厥初得姓受氏之祖如水之沿流而溯源木之自根而至枝自祖宗以來千數百年只是一氣相傳尋其廬

陵歐陽氏眉山蘇氏之譜創起於古蓋先覺於此者也人能知此則譜不得不作也噫我申之原起於勝國初壯節公甄萱圍太祖於桐藪公如漢之紀信黃屋左纛事其後至諱益休以功受封鵝洲子孫因以為貫諱益號退齋八麗朝 太祖以刑判屢徵不起遭父卒廬墓號哭有雙竹生焉有二子長曰光富後孫居義城邑校前故曰邑派次曰光貴後孫居同郡龜尾故曰龜派本自安東豐北鼎寺洞移居于此光貴五世孫諱幹又自義城移居清州自是以後枝分派敷雖無冠冕之顯赫忠孝相傳文學相承如悔堂鷹巖梧峯養一諸公暇享于鄉祠龍宮公以退翁門人有名于世龍崖公以尤門高足為儕流所推許學生公諱尚節亦以老先生門人與直齋李公疏下師誣處士公松坪公俱以孝行并表 旋聞其餘諸公亦難悉記而嘉行懿德宜不後於我東名家况以退溪愚伏尤菴諸先生之健筆相讚揚於識與記文者至矣盡矣豈不偉哉然自得貫以來殆近千禩散在雲仍其麗不億而尚未有大同之譜此其可恨者也近世晦屏陶窩公又以文學推重於世而常以是為恨有志未就往在癸酉邑龜諸

族奮發乎先世未遑之事輪告各處合單收金費半歲之日捐數千之緡事幾將成而又罷豈非有數而然歟龜中族人乃與謀曰既不合譜則盡修派譜與醴泉諸族翌年甲戌齊會齋舍修若干冊子又曰清州派為龜尾派之宗派而不得不同譜乙亥元月余以長老之命晉參校讐之末三閱月而告竣此事之成始於癸酉中於甲戌終於乙亥豈其偶然乎哉雖未得大同之圓滿然亦因是譜而益修尊祖敦宗之義則前所謂歐陽詹山豈獨專美於古也將付剞劂略記派及其事之顛末以俟後日之考焉維歲乙亥之孟夏上澣後孫天錫謹撰

安東派舊譜序

譜惡作今而視今則父也兄也親而近之各因其譜譜無作可也父而兄兄而孫遂及其遠則一體而分居然百世百世之下欲徵百世之上千載其間事已蒼然雖孝子慈孫不知其系焉知其親眉山之譜蓋亦有以也惟我申氏平山則其本鵝洲乃其分也兵燹之後元譜無傳若干文獻僅出各派則各修其派多有遺漏書兄而不書弟書弟而不書兄浸遠失傳

長為吾宗之所始恨矣越在明年族兄鼎周氏憫先系之無徵遂跋涉千里考出千載未遑之事於族源姓譜則此博古君子之所輯成而普為姓之先系者也就其譜觀之履祖有國之初先祖壯節公以忠義之節運佐時之奇略樹蓋世之高勳遂著開國之業及至桐藪之敗見害於甄壹到今千載長為烈士之所淹泣處也特為崇秩配享太祖後十一世有左僕射公十二世有右僕射公封平山君弟侍郎公實鵝洲君鵝洲本以南陲窮髮之地化隔聖世風襲蠻服稷命作奸每為震憂公討而平之因以受封鵝洲之有貫鄉自此始焉然則十三世之間尚且不系況乎百世之後相視路人者抑何怪也於是懼夫愈久而愈失其傳特書草譜一帙以昧宗人宗人莫不流涕嗚咽始有刊出之計實是稀事疇敢執貳所恨者派分系遠事多紕舛東割西分合譜無期夏為作而曰與其無全譜寧有派譜遂聚安東一派印出一本蓋與平山同祖而異貫也既成落而宴之酒行有撫卷而言者曰譜牒之成既是閱千古由來之事也漢之太史晉唐陸成張崔盧顏柳皆以世族顯之至于我東名門巨族亦莫不有譜

獨我鵝申今始作譜則吾宗之幸莫大於是不可無弁跋今日之舉執筆者誰僉曰譜牒自是門內之事則他人華袞不如子孫實記鼎九其惟勉哉鼎九辭之不己乃滋筆而歎曰我宗自麗氏以來替組蟬聯為東方甲族考其譜牒道德經術之士文章才譜之人達則銘彝鼎而振烈於朝著窮則修其身而獨善於閭巷忠臣孝子聯芳趾美輝映千載豈不感且慰哉噫希覽是譜而知其簪纓之為某祖則追遠之感惕然而生知其清顯之為某族則敦睦之風油然而出矣何況同其本則貴賤皆吾族也同其譜則遠近皆吾親者乎記曰人道親親親親故尊祖尊祖故敬宗敬宗故收族若能推其親親及於九族則所以厚本悖末者豈有窮哉詩曰無忝爾祖聿修厥德為吾族者能體其修德之意是則是倣則吾之族烏得不昌而熾歟念哉念哉

己卯清和節閏四癸巳後孫鼎九謹序

跋

自麗氏受祚之後我申為東國甲族子孫之蕃衍其麗不億而不幸六

之後攷系無由僅有家乘多所闕略矣今上壬申請族人鼎周攷其先系已卯借族人鼎九始為彙纂蓋其鼻祖則乃壯節公而為麗朝開國功臣壯節公之後有左右僕射公右僕射公弟侍郎公即鵝洲君亦為吾派之中祖鵝洲君後有退齋公當麗末國初以刑判屢徵不起忠孝旌于閭遂攷壯節公事蹟及沿代文獻一一攷證分為二卷屬同派諸宗精加校讎仍付剞劂氏數月而工斷手使遐苗知千載之蹟二宗人為先勤勞實感矣鼎九之序已甚悉更不容贅以漢房在三派宗子之列故使之跋其後辭之不獲略敘其始末也

己卯夏閏四月上澣癸巳後孫漢房謹跋

曰族叔漢房氏袖其譜牒來示余嗚咽而語曰身為宗嗣不幸早孤母子相携流落此鄉凡三遷而末乃家于三峯山下北望花鄉間以病舂阻隔棄梓離違丘墓禾首之懷孤邱之願只自嗚咽而已涕下而已環顧一躬近無五六從之親遠之同高祖之族只有三兒其一年秋適吾西出未及其父之面而死焉族中孤獨無我若也今老白首死日無幾恐一日無

吾惟我所自出及我先德先墓無復能記而識者此吾譜牒之所以作也
闕我孤獨惟君為最願得一言以弁之余惟是託而何可堪也然竊有感
焉遂作而曰公母嗚咽也譜雖不廣是亦譜耳譜不能成之於諸宗之力
而能成於一人之手有以明吾申之所以為國中族者乃如是焉不亦休
哉噫公之後其將自此庶幾乎雖使他人卽是編以求其志猶尚掩卷太
息亦有所與感焉况為其子若孫乎常目在手摩挲披閱使我某先某祖
之盛德懿行異蹟卓節瞭然發皇於心目之間有所愛慕而感慕焉則縱
不能紹述芳躅成就世業而必思所以無忝勿墜保守家聲者容有已乎
然則公之所遺之於後者有若是矣而視世之必積其贏金相傳戒其勿
失者大不相侔矣公嘗來往花山間先生長者之風則於其貽厥子孫而
知所輕重者良有以也若其歷世事實派系凡例備載本牒不必架疊而
惟我貫鄉則恐必以巨濟屬縣或者之說亦不足為來裔之傳疑焉嗚呼
昔我先祖之自密城而花山也甚盛而甚有聲華之人有爭不能決者必
就決於北松亭亭卽先祖之所憩松下而時人名其松以亭者也凡幾言

清州派舊譜序

年而花之士大夫傳其說如昨日事至今猶嘖嘖焉吾族之居是鄉者
是聲而聲焉今公又花山而韶州也韶之人亦指公而語曰某也卽此松
亭之後云爾則其聲亦韶州矣然是聲而已矣盍亦求其實而勉之哉公
子戒之哉惟茲北松亭感蹟恐不載於此編故特記是說于左方以備覽
是編者之取而致詳焉歲黑猪七月既望鵝洲後人申昌道謹敘

昔九菴宋先生有言曰尊祖敬宗莫如譜譜者自鼻祖始昭穆繼序本支
同根派分昭載於一編之中而父而傳子孫而繼祖不計寸數之近遠同
祖一祖則友于之誼敦睦之風專係於此而古所謂百代之親者非耶我
東文獻裕餘世族相望軒冕蟬赫卿相承繼者凡幾家矣惟以道學為青
檀忠孝為箕裘父詔子兄諭弟上下四五百載正休趾美尚不失家庭之
訓者吾於鵝洲申氏始見之矣謹按申氏譜牒乃蹶然而起敬曰猗歟威
我申氏之門何其多賢也麗朝以前尚矣不可枚論而自勝國初版圖公
之請斬避事廷臣進啓論罪載在東史其子按廉公之不事本朝夫死全

節至誠居廬雙竹并出忠孝兩全而並載三綱行實其後雲仍相襲世有
聞人悔堂公之至孝卓行梧峯公之忠孝勲業照人耳目并立祠虔奉至
若養一堂公首明大義疏斥爾瞻三日不食恨不與江都諸賢同死炷掌
禱天以續親命不仕歸鄉琴書自娛道學忠孝至矣盡矣而與重峯趙先
生立祠并享望如山斗其子處士公諱鐔其姪學生公諱缺俱以孝行并
表三閭棹楔煌煌其孫龍崖公以九門嫡傳爲師訟冤判死封疏卞後晦
跡講道林泉龍崖公族姪學生公諱尚節亦以老先生門人學行純篤爲
士友推許而與直齋先生疏卞師誣真所爲靈芝有種醴泉有源况愚伏
鄭先生所撰按廉公墓碑尤菴宋先生所撰養一堂墓碣及先蹟跋文丈
巖直齋兩先生所撰認識班班可考而跋文則尤翁撰之遂翁書之是文
是筆日月爭光申氏累世懿德皆得諸大賢之闡揚一字一筆重於鼎呂
則數世以來雖無高官大爵而嘉子肖孫專保家聲赫世相聞者比之於
當世之調鼎鬻緋金玉誇人耳目者輕重得失奚啻霄壤間哉由比宗
與嶺南諸宗議修譜牒而言議矛盾詢同未易故在清州諸族相議曰既

未合譜則派譜亦不可無也自司果公爲中始祖以爲派譜舉族未合者
雖未圓滿而私派相聚亦是勝事不計寸數互相披閱是祖是孫是叔是
姪便是一堂之內則此譜之成豈少補也哉秉彝所同仁厚忠愛之誼洵
然而藹然矣譜草旣成之後申友弘祚氏請序於不佞不佞何敢當何敢
當辭益勤而請益切故不獲已勤撮諸先生贊揚之言撰次如右非不佞
之私言乃諸先生正論云爾癸未仲春十八日恩津宋厚鼎謹序

昔尤菴先生有曰易之道自根而幹自幹而枝以至百千萬之無窮則人
之氏族其初一人而至於其麗不億者其理未嘗不一也昔哉斯言也蓋
易道天道也天道以生物爲本而生物之中人道最貴其祖先則根幹也
其子姓則枝葉也枝葉暢茂可知根幹之深故也子姓昌熾可知祖先之
厚故也以是推之天道人道同一理也謹按鵝洲申氏根於麗季幹枝漸
茂自版圖判書諱允濡其子按廉使諱祐以忠孝樹本厥后子姓漸昌圭
組蟬聯文學蔚起上下數百載之間德業聞望之士接武而出如悔堂公
之孝友文行可謂紹先烈裕後昆而文獻自此足徵也繼而有養一齋梧

率諸賢輩出或養德山林或拔萃士類雖不為當世之顯榮而猶足為一國之矜式則非德厚流光之家而能如是子方正學有言祿位光榮而君子無聞族雖盛而猶衰也惟此申氏之家世有聞人而宗族甚盛則詩曰謂君子萬年永錫祿胤者於茲有驗愚伏鄭先生所撰其碑文者不我忘也惜子其子孫散在湖嶺世譜无傳其祖先之遺烈漸至泯沒無聞而族姓之分派亦將疏遠難知則豈不為識者之恨乎余友玄瑞甫即版圖公之後孫也以其家狀示余曰吾家譜牒經營久矣而事鉅力綿累閱世而未遑矣今則不可不修是譜而嶺南諸宗議不歸一今將為派譜譜既成則亦不可無序序之者其惟君子乎以此屢囑於余余於申氏家為外裔也辭不獲而略敘大槩以俟後之君子也

庚申三月日外裔通訓大夫行司諫院正言韓山李明老謹序

譜何為而作也為子孫者懼其祖先之泯沒族派之混淆而作也大抵陸生之先陳世德蘇氏之始講族譜良以是也然則是譜之所關於氏族者大矣上追乎祖宗雖百世之遠而文獻足徵下達乎族派雖其麗之不德

而分源可詳其足為我東世法而其所以尊祖敦宗之道於斯盡矣我始洲之申起於麗季自版圖公按廉公以後世襲忠孝而雲仍散居嶺湖子姓蕃衍族派蔓延其源愈遠其支愈繁而舊無刊譜行于世此蓋緣嶺南諸族議不歸一而然也昔我先長老未嘗不慨然于茲徃在庚申不獲已爛議商確自我同十代以下分為派譜是譜之作迄今五十年之久則遠者愈遠繁者愈繁若復因循擔閣蹉過五六十載之遠則祖宗之遺烈易為泯沒宗支之派系將至混淪矣此又不能不感懼者也余以晚生玄胄年迫八耄精衰眊昏於宗事不能主管然而不於此時更為修譜則甚非所以紹述先人之道也亦非所以佐啓後昆之意也自以古視今時則可矣安知非日後猶今視昔耶遂與諸宗相議詢謨僉同鳩財董役因舊增新凡三閱月而工訖嗚呼吾宗之能事庶可畢矣然而以余之不自掩昏何敢贊一辭而祇書顛末贅于卷端云爾曆維作噩四月日後孫光煥謹識

竊嘗聞古之人設家塾修譜牒故宗法明而睦愛之道盡矣今我東方即

有道君子之國也自 箕聖東出以後彝倫攸敘而人家氏族之蕃衍滋長不知其幾千百數而咸有世譜以效前輩上推下推之義而其要止於管人心厚風俗也則傳所謂宗法與治化併行者非耶夫世譜不明則宗法不立宗法不立則族人踈而風俗不厚然則世譜所關豈止乎一人家之事哉故論人之譜以仕宦較高下則魏晉之門閥也以氏族定甲乙則崔盧之流品也斯何足言哉必也敬宗而敦族述先而裕後然後可以稱法家之典型氏族之冠冕矣敬述敦裕之道捨是譜何以哉嗚呼我申氏起於勝國之末自版圖公按廉公以後世襲忠孝以位則代有簪紳圭組之連綿以望則繼有德業文章之彰著而子姓漸熾族派浸多則宜其有譜而無譜何也特以其世愈遠而文獻無徵於前業愈替而經費難繼於後迄今未遑焉者非敢忘其祖先踈其族屬而然也時之遲速事之成毀蓋亦有數存焉故也矧予以余之不肖敢擬議於述先人所未述之事子然而所可懼者不於此時而修譜則終亦無譜而已無譜則將何以尊祖亦何以收族耶不能尊祖而收族則一家而秦越也至親而路人也豈可

曰喬木之有遺蔭而簪紳之有餘裔乎且以古視今祖先之遺澤猶存乎派之分源不遠則譜可無作也以今視古祖先之遺澤盡斬族派之分源已遠則譜不可無作也苟以文獻之無徵經費之難繼為辭則文獻何處果徵而經費何時果繼乎苟能及是時而修是譜也足為百代之文獻而上推乎祖先下推乎族派吾宗孝友睦愛之道因是而復明矣若其經費之艱則凡我一門諸族果能同心同誠不以從先祖莫之行爲言而斷然特行則誠心所透夫何難爲也哉但諸宗之在嶠南者非止一二派而其中不能安其分者不識譜體之本自嚴明敢欲壞法例以自悞以故嶠南諸派議不歸一至此遷就則譜無可成之日矣乃敢與諸族人謀曰湖嶺之詢同既無其期則曷若吾同十代以下諸宗合為派譜以效尊祖收族之義乎且事終歸正必有合譜之日則當其修輯之時豈不因是譜而有事半功倍效乎然而嶺派中有前世事蹟之較著處則不敢泯沒並謹錄如左云爾則諸族人皆曰諾於是鳩工聚財參校冊定以為鵝洲申氏派譜蓋謹就先祖校正之舊牒而述之非敢參之以己意也嗚呼自茲


以後為吾宗者蓋各觀乎此而勉旃哉庚申正月日後孫洛根謹識
譜惡乎作譜者序昭穆尊親之誼也尊尊親親之誼舍是譜而何以
哉惟我鵝洲之申八我東四百年來卓絕之行圭組之蹟世世清顯而不
幸中葉累經變亂代又甚促文獻無徵於後族屬有踈於前者專由於吾
譜之所未成也以百世之後等百世之前不勝慨然也而今又無刊譜之
舉則安知不今之若視古者乎再昨丙辰春族兄諱道根氏與舍兄往議
于義城僉議詢同幾乎合譜之境而嶺南諸宗或有不能安其分者言議
矛盾不復歸正則徒知顏私不得嚴截此是一族之厚誼子乃是子孫之
罪案子無人之歎可勝道哉不獲已在清州一族謹就先世校正之舊牒
而期於派譜刊出之際適當科僂嶺南宗族某某參觀不無慨歎之心或
有世派之昭詳追錄者或有不能安其分而落漏者則其諸派實蹟不多
矣皆宜備載而見聞不能遍及只收所得而錄之故不無詳略之異覽者
詳之然是譜之成也是祖是孫叔方伯方不計寸數之近遠互相披閱便
同一堂之內則豈曰少補也哉嗚呼以余之不肖參觀聞見略記于卷末

日後為吾宗族者觀於此而有識乎庚申閏三月日後孫澈根謹記

竊念水之源濶而後成其潭木之根厚而後茂其業乃理之固然也夫人
有氏族之繁盛則乃分其派而修其譜譜其成則上以闡揚於祖宗洪業
之緒下以和肥於子孫敦睦之風其義一也噫惟我鵝申卽湖嶺一巨族
也鼻祖則壯節公也始祖則鵝洲君也而以數千多族各其修家乘而尚
無有尊祖收族之譜所講者韋氏花樹之樂也所願者蘇氏族譜之義也
是故闡揚之誠於是乎絕矣敦睦之風由茲而廢矣寧不慨然嗟歎者乎
自分派以後安東清州兩派及義城伯派曾雖有派譜而惟一龜派獨不
譜焉者何也 宣廟龍已經盪之後先賢長德累次發論而以朝奉郎諱
衍左僕射諱淑兩公世代之錯誤及其他文籍多有杞宋之不足徵故論
不一定有意莫遂者今又幾百年矣矧今世俗頹敗倫綱斃淪一室之踈
如百代至親之視如塗人恒切聚首歎嗟淡恐先父兄未遑之事終莫能
繼以述之何幸文貞公華海師全出而有昭然可據之蹟故訝惑冰釋諸
宗氏發論爛議商確依平山譜上系互為攷訂以左僕射公定昭穆之正

按廉使兆次山水圖


雙竹圖



鵝洲君為始祖之宜云爾則僉曰唯唯謀既僉同役不可緩緩始創於壬申春設譜所于泉齋講堂通札各處一一收單速成編輯將付剞劂而未果者迄今越三年矣乙亥夏之月功訖結冊幾卷幾冊也則今既譜成是豈非尋源之水尋根之木乎嗚呼先祖在天之靈其肯曰余有後乎先父兄未遑之事今始就完諸子孫齋誠之願亦此遂矣則何恨乎成譜之太晚者乎美哉此役也由是而分別氏族尊祖敬宗睦族之義可講矣豈非有數者存焉耶然而初意與伯派有大同之誼並心合力收單設役幾至數月而一邊論議終不安合竟為派譜此事攸為一憾處也來後將有合譜之日則尤其非幸中之大幸歟退齋先祖之貞忠卓節鷹峯兩先生之邃德懿行養一堂之格天誠孝序文中先自贊述故不敢復贅略書顛末以付卷端

乙亥端陽月後孫宗漢謹跋

上將公北次山水圖



凡例

一 鵝洲之申系出於壯節公故以壯節公為始祖而至光祿大夫侍郎公始為分封鵝洲君故以侍郎公更為一世

一 諸凡六卷橫架七間自一世至七世而止七世而更起凡二十九世

一 本宗則始祖以下皆不復書姓字以明一本之義

一 子女當從齒序以書而譜以繼姓為重故一依先男後女之例而書之出系人則本生考下書出為某后而於所后考下又直書子字以重系體之義而傍註書生父某以別之

一 曰嫡曰庶區別太甚損傷和氣心甚慨然自今為始永為坦平以示祖宗均視之義

一 諱傍字號官爵生卒配位墓所隨得八錄不拘詳略

一 女婿則必書鄉貫官爵父名而有顯祖則亦書之外孫子女必以小註書之

一 各處諸宗或有名諱雷同而年代已古居地相遠勢不得改正者姑為

因存覽者恕之

一或有收單晚到編印之後而不可盡毀成卷則不得已付之編末以俟後日釐正

一索引字番以千字文填之以便考覽而一卷自一天字至某字第二卷自一天字至某字第三卷自三天字至某字餘卷以此推之

一退齋公文蹟見失於兵燹之中而只有雙竹遺圖故亦為模印以寓感舊之意

一後谷齋舍即我先祖上將公與外先祖安東金比安公墓墓也兩家後承並力修補省掃築感同齋并供至今無替極為稀事墓所與齋舍亦為模印以寓後孫之追慕

一邑龜兩派當為合譜而門議不一未克如意甚慨然大同團合之期惟俟踵成於來後耳不得已龜派譜依家牒印出而各派則只書上系某派某諱配位而生卒墓所外孫不能盡錄

書申氏先世事實後

卷中所記至性卓節足以警俗而傳世而其後承文筆亦出尋常其筆之所記又多嘉言至論此可以千古不泯其以東坡健筆而猶欲借重於歸去辭以傳世則今茲康節晦翁遺訓豈歸去辭比哉惜乎十不七八而所傳者只此耳雙竹君十一孫應泰要余序其卷首佛頭鋪蓋有所不敢故略識于卷末如此云 崇禎柔兆攝提格九月日德恩宋時烈識

書申氏世家事實後

清州申君應泰甫一日訪余於丈巖洞中袖出其家事實一冊示余曰吾鵝洲之申粵自麗季八季 朝聞人善士前後相望矣至于今日冠冕不繼零替則甚而家傳文行有聞於世不見絕於當世之大賢君子此編下面有尤菴先生跋語願吾子徵斯語而續題序略記則其於發潛闡幽之道庶乎無憾余謹受而讀之曰嗚呼感哉申氏自君鼻祖版圖判書公至君之考處士公餘十數代忠孝之行懿美之訓代不絕書而其中尤有絕異而最奇者判書公以忠節有名勝國之末其子按廉公以出天之孝雙

竹生於居廬之所事載三綱行實君之五代祖直長公教子義方有遺書其曾孫參奉公率循義訓受學于李公卒能成立抗疏昏朝直聲振一時且與其子處士某及其從子某兩代三人俱以篤孝聞於朝旋其間能繼祖武不墜家聲嗚呼盛哉此足以為東國名家而宜見賞於當世之大賢君子也余竊觀我東世家自三韓至于今子姓不絕綿綿相繼者十不五六其或冠冕相襲能世其家者十僅二三而至於忠孝傳家代有聞人者則百不一二存焉以此言之世襲冠冕保有其家者固人家之所難而累世忠孝不忝所生又世家之絕無而僅有以此較彼得失天壤君何憾憾於家之零替乎此古人所謂先德行而後功名請君以此遺諸子孫承繼無怠向所謂冠冕付之倘來則天道福善必有其徵君其待之至於弁卷之文則老先生猶以佛頭鋪糞為辭願余小子何敢妄犯糠粃之譏子謹題其所感云爾癸未臘月日烏川后人鄭浩題

壯節公遺蹟

高麗史太祖世家乾化四年六月乙卯騎將洪儒衷玄慶申崇謙卜智謙等密謀夜詣太祖第共言推戴之意太祖固拒不許夫人柳氏手提甲頭被太祖諸將扶擁而出令人馳且呼曰王公已舉義旗矣於是奔走來赴者不可勝記先至宮門鼓譟以待者亦萬餘人弓裔聞之驚駭曰王公得之吾事已矣以微服出自北門去○元年八年辛亥詔曰人臣運佐時之奇略樹蓋世之高勲者錫之以分茅胙土褒之以峻秩崇班是百代之常典千古之宏規也朕出自側微才識庸下誠資羣望克踐洪基當其廢暴主之時竭忠臣之節者宜行賞賚以獎勲勞其以洪儒衷玄慶申崇謙卜智謙為第一等給金銀器錦繡綺被褥綾羅布帛有差十年秋九月甄萱攻燒近品城進襲新羅高鬱府逼至郊畿新羅王遣連式告急王謂侍中公萱大相孫幸正朝聯珠等曰新羅與我同好已久今有急不可不救遣公萱等以兵一萬赴之未至萱猝入新羅都城時新羅王與妃嬪宗戚出遊鮑石亭置酒娛樂忽聞兵至倉卒不知所為與夫人走匿城南離宮

從臣伶官宮女皆被陷沒萱縱兵大掠八處王宮令左右索王置軍中逼令自盡強辱王妃縱其下亂其嬪妾立王表弟金傅為王虜王弟孝廉宰臣英景等盡取子女百工兵仗珍寶以歸王聞之大怒遣使吊祭親率精騎五千邀萱於公山桐敷大戰不利萱兵圍王甚急大將申崇謙金樂力戰死之諸軍破北王僅以身免

十三年夏四月甲辰禘于太廟躋戴宗于第五室以功臣裴玄慶洪儒卜智謙申崇謙庾黔弼崔凝配太祖世宗

十八年夏四月壬午謁太廟加上先生先后尊號以裴玄慶洪儒卜智謙申崇謙庾黔弼崔凝配享太祖世宗

十五年冬十月辛巳設八關會王見雜戲有國初功臣金樂申崇謙偶像王感歎賦詩出睿宗世家

禘祫功臣配享於庭太祖室太師開國武烈公裴玄慶太師開國忠烈公洪儒太師開國武恭公卜智謙太師開國壯節公申崇謙太師開國忠節公庾黔弼太師熙愷公崔凝出禮志

本傳公初諱能山光海州人長大有武略十年太祖與甄萱戰於公山祠

數不利萱兵圍太祖甚急崇謙時為大將與元甫金樂力戰死之太祖甚哀之謚壯節以其弟能吉子甫樂弟鐵並為元尹創智妙寺以資冥福

高麗王哀申崇謙金樂之死以樂弟鐵崇謙弟能吉子甫並為元尹創智妙寺以資冥福崇謙光海州人勇猛長大常從征伐有功後謚壯節配享

高麗太祖廟庭出東國通鑑新羅景哀王紀

高麗申崇謙本全羅道谷城縣人太祖賜姓于此諺傳崇謙嘗從太祖獵至三灘畫膳適三鴈盤回太祖曰誰射之崇謙曰臣試射之太祖賜弓矢

鞍馬崇謙曰射第幾鴈太祖笑曰射第三鴈左翼崇謙應命而射果中如命太祖嘉歎仍命賜平州為鄉並賜射鴈傍近田三百結世食其租因名其地為弓位餘詳春川府出輿地勝覽

崇義殿在郡西五里太祖元年命禮曹立廟於麻田郡祭高麗太祖惠宗成宗顯宗文宗元宗忠烈恭愍王給祭田至世宗七年有司言

國家宗廟只祭五室而前朝之廟乃祭八室未合於禮於是只留太祖顯

宗文宗元宗以春秋二仲傳香祝致祭仍名其廟為崇義殿以下智謙洪
儒申崇謙庾黔弼裴玄慶徐熙姜邯贊尹瓘金富弼金就礪趙冲金方慶
安祐李芳實金得培鄭夢周配享出輿地勝覽麻田郡祠廟

美里寺在解顏縣或云解顏一名美理甄萱逼新羅郊畿景哀王求救於
高麗萱粹入新羅京都戕王立敬順主盡取國帑珍寶兵仗子女百工之

巧者自隨以歸太祖以精騎五千要萱於公山下美理寺前大戰將軍金
樂申崇謙死之諸將敗北太祖僅以身免出輿地勝覽大年古跡

申崇謙墓在府北十里崇謙初諱能山長有武勇與裴玄慶等推戴太祖
賜一等功臣號太祖與後百濟甄萱戰於公山桐敷不利萱兵圍太祖甚

急崇謙力戰死太祖哀之謚壯節配享太祖廟庭出春川塚墓
申崇謙戰死太祖命求其尸無頭莫辨命木工雕造頭面猶生之容備服

賜坐太祖躬行祭禮甚慟備禮葬之名臣行跡
衣帶詩二首出華海師全

箕留洪範奠東海夫子繼周又聖神釋教間何創異說網歸斯世毒欺人

自從儒業知斯害佐袞終期掃佛神天塞經綸王事急只慄窮恨作婦人

晦軒安文成公裕追和曰箕奠海東千百歲沫風又及但存神薛公跡
熄申公起不幸早年死節人香燈處處皆祈佛簫管家家盡事神獨有

數間夫子廟至今春草寂無人
草像

申崇謙死於桐敷之戰太祖設八關會慨念戰死功臣獨不在列命有司
結草造崇謙及金樂之像服以朝服隨坐班列命賜酒食酒輒焦乾假像

起拜猶生之時至睿宗時王省西都有二假像戴簪服紫騎馬踴躍周巡
於庭王奇而問之左右曰此代死功臣大將軍申崇謙金樂也王感慨命

錄其子孫名臣行跡
行狀附跋

公姓申氏諱崇謙初諱能山史失其字其先全羅谷城人後賜鄉平山谷
城本百濟欲乃郡新羅景德王時改稱高麗初又改昇平郡又云光海州

人光海州即今春川未知後移居也或本貫也或在史書及本傳公生而



長大天與拳勇神資機智藝窮百中真將材也時新羅政衰羣盜競起甄
萱反據南川稱後百濟弓裔據高句麗號泰封裔多疑忿怒凶虐日肆羣
臣不自保民不堪其毒焉至唐乾符四年高麗太祖生於松岳郡生應靈
異幼而聰明語音洪大氣度雄渙寬厚有濟世之量乾靈三年弓裔從世
祖之言以太祖為勅禦塹城主凡一時水陸征討悉委之所向皆克以功
累遷為侍中位冠百僚朝臣將士洽然歸心矣梁貞明四年夏六月乙卯
公與騎將洪儒裴玄慶卜智謙密謀夜詣太祖第告曰今王政僭刑濫殺
妻戮子誅夷臣僚民墜塗炭疾之如讎自古廢昏立明天下之大義請公
行殷周之事太祖作色拒之曰吾以忠義自許王雖暴虐安敢有二心况
予否德敢效湯武之事乎諸將曰時難遭而易失天與不取反受其咎况
又昌瑾之鏡文如彼豈可違天死於獨夫之手乎夫人柳氏從帳中出謂
太祖曰舉義伐虐自古而然今聞諸將之議妾猶奮發况大丈夫乎手提
甲領而被之公與諸將扶擁而出令人呼曰王公已舉義旗矣國人奔走
來赴者無慮數萬人矣弓裔聞之不知所措微服出道巖谷尋為斧鑿氏

所害丙辰太祖卽位於布政殿國號高麗公嘗從太祖遊歷平山有三傷
高飛太祖命諸將射之公卽拜且啓曰射何鴈教曰中鴈左翼公卽翻身
仰射一箭如教太祖嘉歎異之賜三鴈所經之地為別業名曰弓位因至
今世守焉後唐天成二年九月甄萱碎入新羅王都時王與妃嬪宗戚出
遊鮑石亭忽聞兵至倉卒不知所為皆被陷沒太祖聞之遣使吊祭親率
精兵五千邀萱於公山桐藪卽今之桐華寺也大戰不利萱兵圍太祖甚
急時公為大將而容貌酷似太祖知其勢窮請以身代死使上隱於藪藪
卽今之符仁寺也代乘御車與金樂力戰死之萱兵以公為太祖斷取頭
貫戟而歸圍兵稍解太祖僅以身免及還陣求公之尸無頭莫辨大將更
黔彌等曰崇謙左足下有黑子文如七星以此為驗果得之命木工雕造
頭面猶生之容備服賜坐上躬行祭禮哭之甚痛命有司移葬地乃於光
海州昭陽江悲方洞備禮葬之賜方洞長柱內一品田地乃九千步伊山
縣村內一品田地九千步以資祭需徙白丁三十戶居于洞內禁其樵
火置願堂於墓側以資冥祐又於戰死之地開創願刹是曰智妙寺賜一

品田地各三百畝仍以解顏縣貢油納于寺以為燃燈之費王甚哀公之
死以弟能吉子甫藏為元尹特報功也太祖常設八關會與羣臣交歡慨
念戰死功臣獨不在列命有司結草造公與金樂像服以朝服隨坐班列
上樂與共之命賜酒食酒輒焦乾假像起舞猶生之時自此排置樂庭以
為常式也某年月日上大封功臣中書門下奏功壁上虎騎衛太師開國
公三重大匡毅景翊戴匡衛怡輔砥節底定功臣謚壯節奉教御筆大書
中書門下祭教可匡翊效節獻襄恭至准教下某月日恭賜之後配享太
祖廟庭至睿宗大王歲庚子秋省西都設八關會有假像二戴簪服紫執
笏紆金騎馬踴躍周巡於庭上奇而問之左右曰此神聖大王一合三韓
時代死功臣大將軍申崇謙金樂也仍奏本末上悄然感慨問二臣之後
有司奏曰此都惟有金樂之孫卽有之賜職賞暨還松都徵公之高孫勁
引入寶文閣親問祖宗原始子孫男女之數宣賜酒果及綾羅而人各一
十端仍賜御題四韻一絕短歌二章詩曰見二功臣像汎濫有所思公山
蹤寂寞平壤事留遺忠義明千古死生惟一時為君躋白刃從此保王基

歌曰主乙完乎白乎心聞際天乙及昆魂是去賜矣中三鳥賜教職成文
欲望彌阿里刺及彼可二功臣良久乃直隱跡烏隱現乎賜丁且教曰汝
雖年老欲辭官予嘉乃祖為上盡忠代死之功宜加爵賞用答元勳越明
年乃授勁積慶室副使勁子愈毗俾屬茶房近侍左右愈毗子命夫坎申
田地辨于都監改授賜田文夫知天命歸于真主明也每從征伐有功勇
也一箭中鴈左翼才也臨危不避代死忠也死而猶生之時神也有一於
此尚宜旌褒矧茲備體焉可以已肆至 太祖立麗祖之廟於麻田以公
配享封王氏之後世襲承祀永世不廢公之功德永與天地流光豈不偉
歟噫以公之才德填於餓虎之口卒莫大施天也天將大其報以蕃于後
耳頌曰世有創業之主出則必有豪傑之士生而以為之輔翼漢之三傑
唐之房杜是已雖然世徒知漢之興由于三傑之力不知高祖之脫禍在
於紀信之死唐之興由于房杜之謀而不知太宗之免難在於敬德之救
假使彭城之戰無紀信則漢未可知也世充之圍無敬德則唐未可知也
當麗祖之在桐藪也蒼兵已圍危急不聞於一髮於是時也公不死則圍

不鮮圍不鮮則戰不勝彼王也特凡上一塊肉耳其所以統合三韓以延
五百年之業者功不在茲乎夫人孰不好生而惡死其能臨亂忘身見危
致命者世幾人哉惟公智以應其變忠以圖其主勇以卷其元發乎內者
根於仁行於外者合於義公之功率乎泰山不足高公之名昭乎千載不
能滅可謂超卓千古烈丈夫者矣其以壯節謚之信不誣矣若夫假像起
舞猶生之日此公之所以得全正氣而公之所以與天合德者如紀信
敬德輩雖功於漢唐其視公風斯下矣公之忠勲壯節如彼固宜識其行
狀傳之後世以愧夫為臣之有不忠者以警夫子孫之有不肖者而世久
失錄罪在後孫敢用稽考舊行敦贊遺事謹識如右

高麗申壯節公崇謙我先妣之鼻祖也嘗讀麗史本傳知其大節及其
神異晚得行狀不知何人所撰比傳為詳而又錄其未備宜參看而不
可偏廢噫壯節公距今七百年讀兩書者咸歎其凜凜有生氣况公之
苗裔耶麗史固行於世而行狀獨余有之思與公之內外雲仍共之乃
付南平宰申默刻梓於縣默實公之遠孫而於余為表從姪也以辨此

為重閱數月而報完可尚也已嘉靖紀元乙丑孟春左議政沈道源跋
我始祖壯節公佐麗祖開王業終效捐軀暨歿益著靈異既載諸國乘
而又有行狀不徒為公後者相傳為寶舉一邦殆家有之至士辰止於
兵火將沒其事蹟今高靈倅申侯景翼乃亦吾宗也鳩得遺編於亂後
謀壽梓以廣其傳噫以公之功之忠之烈有耳目者皆記之有血氣者
皆慕之狀之存不存無大輕重而其揭揚顯白又不得不待於斯則申
侯之此舉豈非吾宗一大幸而抑扶樹綱常於東方者豈淺淺已乎去
年秋公之外裔韓公浚謙按節湖南以谷城是公舊貫重糊祠宇而欽
記之而高靈君踵其躅刊出公狀距公之生已九百禩而子姓繩繩冠
冕不替益足以見公之澤愈久而愈不斬也嗟我同宗盍相敦勉思所
以光而大之歟

乙巳正月初吉十八代孫嘉善大夫行

弘文館副提學知製

教欽謹再拜跋

墓享祝文

三月三日
九月三日

元功大節統三為一百代瞻仰爭光日月

賜額祭文 肅宗朝

乙亥十月七日丙申 國王遣臣禮曹正郎崔休祭于壯節公申崇謙之
靈尚節褒忠王攸攸宜建祠表額歷代美規龍藏青木運剪東鐵維時太
師有六公一維嶽降祥足驗星文志學擢甲十八登壇方駕裴卜斗正乾
軸義先拔昏志在拯溺公乃決策公則揚鑲業業斧壤公驅公慶軋敵奇
筭效之屈指飛鴻命中特公小技屢專師征期集大勳奮忠仗鉞發騎邀
萱公山一蹶事同華泉紀侯誑楚敬德忘身白刃竟蹈黃屋不還嗟嗟烈
士伊帥之元竭竭惟公誰與爭功壁上增秩位尊三重門下追議謚叶壯
節木像起舞正氣不滅玉泉顯聖未聞焦觴祈連象塚視此悲方伊山錫
土弓位受籍當時念功嘉乃曰篤德並牧祠功配廟庭卓然樹立昭揭曰
星曠世相感肸蠁如昨睠茲谷邑獨存軌躅湧泉潑潑藏修之所荔丹蕉
黃於焉俎豆中經變故不被腥穢瞻彼所在精爽不昧額號猶闕儒襟齊
顛爰錫華扁庸貴棟宇茲遣禮官式薦河酌毅魄忠魂庶幾來格

奉安文

梅山洪直弼撰

天地中間正氣充塞公得其全精靈鍾毓羅運垂終鷄林葉落鰲擊三山
龍戰大陸青松鵠嶺再造震域桓桓惟公萬夫之特在師中吉受心替托
軍聲動天摧鋒盡敵人謀鬼謀天轉斗極難至節見誠存社稷若漢紀信
竭身殉國英風毅烈震耀竹帛衣冠左海萬世垂澤睠茲仁鄉雲仍聚族
仰止壯節追遠諒篤依孫祔祖祠名世德豈曰無稽禮因成俗前光孔通
於焉暇食肸蠁悽愴儼臨靈魄冀蒙垂裕流光千億

開國公遺事

公諱弘尚官壁上功臣開國公聖帝子兵部尚書蓋東方人文倂華同稱
始自箕聖奠東而崔文憲先生自當其責立中學左右設先道前輩之祠
又立箕聖之廟以廣薛子之規而以謂國家獨不立廟報我東垂統之大
德極是欠典乃屢疏於朝為近小所沮嘗歎曰箕聖肇創東方蠻夷用夏
羣小托以傷財每沮聖旨不立廟殿同享列聖哲祠如何痼惑誣罔之術
大創淫祠空費塔刹於衆所惡而不貸一創寺之費偏闕箕廟不行祠典
委廢陵墓也至 肅宗明孝大王七年壬午公乃述師文憲之遺歎感意

奏我國禮義自箕子始而廟貌猶闕不有祠典之使求墳墓立殿祠春秋行祭奠以報仁賢遺化垂統盛德酬答先師崔文憲之志使舉國儒子幸副其望乃得 允旨以遂崔子之意

文元公遺事

公諱晟號紹源堂謚文元官判門下省事元尹贊善祭酒隨考尚書府君從學居中學又以子勛進處齋泮就學治業嘗有詩一首曰君師治教寂然遐坦道幾時鎖暮霞周孔遺風新夜景檀箕古國復春芽宜從指路隨光燭豈說迷方隔影紗講樹英材齋學巷潤滋雨露盡涵花闌溪金得培嘗曰觀安文成追和壯節公詩又見紹源堂文元公詩則蓋其為文獻之啓源自新羅甲氏潛滋培潤垂統淵脉不啻後昆而鍾氣毓淑於東方者都是攸由而廣以惟直爾睿宗己丑四年公以右文直學奏請國學之側立養賢庫養士追先生遺志浹於理學精於理數

文正公遺事

公諱勳號宜隱謚文正官太子太保兼竇文閣大提學程傳初來東方無能知者濟導生徒攻斥佛老之非 睿宗文孝大王四年己丑公與崔敏庸等七十人武學韓子純等八人分處七齋稱典籍名周易曰麗澤尚書曰侍聘毛詩曰經德周禮曰求仁戴禮曰服膺春秋曰養正魯論曰廣正鄒論曰昭規大學曰明立中庸曰道理武學曰講禮講禮者射禮也先儒曰崔文憲先生薰陶風韻作起真儒可謂繫世矣十四年己亥右文直提學奏請國學之傍立養賢庫以養薦多方一國人升選之士勸勉取用取此成就中法規仲夫最疾其式而先廢之終棄官隱德不仕

錄事直長公遺事

公諱命夫早棄仕以究經明術自喜衛道隱德不仕當世見稱

敬德公遺事

公諱應時謚敬德以道學經術入使中國有衛本國之勲賜衛國功臣號生三子長樑夏官典書次棟字官密直次令材官大直

大直公遺事

公諱令材官大直國家創國寺奉佛公三兄弟同章連三疏切諫因忤旨

皆棄官不仕

兵部郎中公遺事

公諱摘號消慮子官兵部郎中致仕國家屢徵終不起屈以直針鈞灘遣
日因自號曰消慮子時人云非無獵車難善養老臣屈非師禮嚴陵老灘
時非運值玄真不須歸

左僕射公遺事 有詩五言一絕

公諱叔字而源號水月軒官禮部尚書兼左僕射以明經術之學當時人
稱衣冠領袖詩曰有水有山處無榮無辱身耕田消白日採藥過青春

版圖判書公事蹟

公諱允濡本諱元濡避高麗忠宣王名改之奉翊大夫版圖判書兼軍器
寺別檢校事以清名直節表顯當世人比之唐介墓在尚州丹密縣清慎
洞不幸失其墓設壇以祀之子按廉公府君嘗廬其墓故至今密人稱其
洞曰居廬洞

版圖判書公啓辭

高麗忠烈王六年正月壬辰以左承宣申允濡諱元字避忠宣王名
除版圖府判書兼軍器寺別檢校事夏六月丙申元皇帝以東國所上表

牋語涉不敬詔徵撰表人撰表人皆以計避之不欲行公進 啓其略曰
伏以方今國事可謂無可為已凡為臣者不避夷險以殉王職是固其分

也今廷臣當彼元困我之日鼠畏狼顧爭自謀回思全身若千金之重忘
為國如弊廬之賤終無一人臨亂者如是而國將何保臣請斬其輕國愛

身之輩以勵其餘擇遣能事專對之人使不生患幸甚於是命下集賢殿
提學柳得韶等四人于獄七月甲子遣政堂文學李英仁魏元凱等赴京

師出東史 纂要

按廉公遺蹟

先祖諱祐居尚州丹密縣仕高麗官至奉常大夫司憲府掌令全羅道按
廉使農朝故事分遣近侍于諸道祭告山川名曰祭告使因以察守令賢
否觀風俗美惡考貢賦均制度廣詢博訪以行刑賞以對上問名曰按廉
使兼是二職其重莫比公當麗季昏濁之時廉潔自持遯世終身考版圖

公卒公廬墓三年朝夕號哭有二竹生于墓前人以為孝感所致事聞
旌閭名其里曰孝子里刻石今在丹密縣路左事在國乘及輿地誌公娶
韓山君柳益貞女生二子墓在丹密蛇浦允向原元至正四年四月二十
九日除神虎衛護軍王旨藏于家

密城誌

高麗申祐應孝廉官至按廉使後遭世昏濁能皎潔其身可謂得行藏之
道矣居廬三年泣血不輟雙竹生於墓前事聞于朝表飾門閭立石道
周以孝子名其里密縣即丹密縣在尚州東五十里有川名曰渭水世傳
以爲孝子縣東有鳳城書堂其上櫺文曰孝子順孫按
跡而出又曰孝
水法流一派

居廬圖

護軍申祐尚州人父版圖判書允濡卒祐居廬三年有二竹生于墳前人
以為孝感所致旌閭續三綱行實

輿地勝覽尚州

孝子申祐官至護軍其父版圖判書允濡卒居廬三年有二竹生于墳前

以為孝感所致事聞旌閭

護軍官帖

王旨掖申祐為神虎衛保勝攝護軍者至正四年四月二十九日

旌閭碑在今館

孝子望姪高麗奉常大夫司憲府掌令全羅道按廉使申祐之閭
墓表

墓表

尚之轄丹密縣傍有小石碑立路左刻曰孝子里故老相傳以為按廉使
申公所居也過者敬之謹按公諱祐仕高麗官至掌令嘗為全羅道按廉
使麗朝故事以時分遣近侍于諸道祭告山川廉問民俗黜陟守令之幽
明名之曰按廉使蓋極一時之選也公處昏濁之世能皎潔持身事父母
盡孝父版圖判書諱允濡卒廬墓三年朝夕號于墓有雙竹生于墓前人
以為孝感事聞旌閭以孝子名其里事在國乘及輿地勝覽公有二子
曰先富光貴光富有二子曰士贊士廉為彥陽縣監其玄孫元祿又
以孝行趾公美旌閭公之八世孫今侍講院文學達道氏與余友甚善

一日以家狀示余而言曰吾先祖歿已數百年矣衣冠之藏在所居東十里許蛇浦兌向之原而墓道無表子孫又散居遠地展省不能以時恐久遂湮夷樵牧或登丘隴則雖雲仍亦不得識其處况其卓節之行又將泯泯無傳豈不悲且懼哉族兄承旨公在世時暨與余諸同宗謀伐石具硃碣未及樹而歿今願得公一言而剞劂之使先德顯於後則為賜大矣敢拜以請余惟按廉公之孝誠既又感鬼神而幹造化赫赫在人耳目奚待無措而傳顧余尚鄉之末學而於公又外裔也於意有不得以辭者遂攷其狀而敘之如右其立廟歷官次敘及家居行誼年代已遠而文籍無徵不得以詳焉其子孫衆多亦不能盡錄略書于左見今在朝者文學君及其兄適道祥雲道察訪弟悅道禮曹佐郎其族兄承旨公名曰之悌有文名取大科為士類所重不幸而未克壽有子名弘望進士文學君有子名圭皆俊秀而溫雅余所未及知者當亦不少申氏之祿蓋未艾也詩曰孝子不匱永錫爾類又曰君子萬年永錫祚胤非公之謂也耶嗚呼休哉崇禎月日正憲大夫行弘文館副提學知製 教兼 經筵參贊官春秋

館修撰官藝文館提學

世子左副賓客鄭經世述

遺墟碑文

丹密尚之陬也地僻而偏宜無以章於世然有所謂館洞里碑之曰孝子里有川橫其前稱之曰孝水川之上巋然而立者曰涑水書院蓋以嚴朝按廉使申公嘗居於此也竊稽麗乘士大夫無禮俗未有服三年者雖以朴尚衷之賢其所以自異於人者不過食素朝堂耳公性至孝父卒終三年廬墓朝夕號于前淚血至地有雙竹生墓前人以為孝感事 聞旌其閭孟子曰不失其身而能事其親者吾聞之矣失其身而能事其親者吾未之聞也公當麗季溷濁嘗以按廉使專制湖南黜陟已而歸田里以終其身卽館洞里是已輿地誌曰皎潔其身行藏能得其道嗚呼公之能事親盡其孝者豈非不失其身有以致之者耶公歿殆四五百年環密城孝子踵相接棹楔相望識者謂自公發之至若公之裔孫皆以孝友趾其美今以其最著者言之曰元福以孝友薦 朝廷授一命曰元祿至孝 旌閭享藏待書院曰適道曰達道曰悅道俱以孝友有士林望而適道當

仁廟丁卯丁丑倡義師達道亦和議悅道扈 駕南漢嘗以死自誓曰興
孝以孝載密城誌續錄曰之孝死壬辰倭刃臨絕血書寄弟勉死 國弟
曰之悌有孝友德行享藏待書院曰之益曰鐔曰鈇皆以孝 旌閭曰弘
望以孝友清直稱曰濂 贈持平以孝嗚呼何其感也公之享涑水書院
也愚伏蒼石沙西諸先生實主之而愚伏表其墓所以闡揚之無憾公之
諸孫猶以公之所居里久或湮沒謀伐石以文之幾世孫道通氏千里走
京師屬濟恭記其事濟恭作而曰懿哉斯役也後之人式其閭不如師其
人師其人不如師其心師其心又莫先於百行之源如使人之過密城者
因是石以慕其人慕其人以及其心鄉而州州而國洞洞焉興於百行之
源克底於此屋可封則是役也未必不為之倡也其有補於風教大矣濟
恭何敢辭公諱祐鵠洲人也公之父諱允濡官版圖判書有直節人比之
唐介云銘曰亂邦不居跡何其潔也為子盡分行何其篤也是維申按廉
故里聞公之風者是效是則

春秋館事祭濟恭撰

題雙竹圖詩

孟宗泣冬竹雪裏青笋生王哀攀墓栢樹枯春不榮人子苟盡道天必祐
至誠今看雙竹圖問是尚書瑩尚書有是子寶樹振家聲湖節旣化俗栢
臺曾蜚英墓側廬三年血泣哀惇惇至孝神亦知地祇有所呈亭亭碧玉
竿異哉物之植雙叢傍馬鬣侍立如弟兄乃知孝子心與竹同其貞大凡
植物中此君聖之清其實鳳凰食其節松栢爭所以感於孝欲與孝子并
芟除築場地不因根本萌苞矣豈偶然效異通靈精玉立塚隧外倚倚卓
數莖樹德似於賢凜然瘦骨勅葉露如淚滴林禽為哀鳴聲寒野風吹影
淒山月晴生何並不孤此理吾且明後於按廉者世有黃陸名其枝本手
根孫亦祖攸行寢郎及子姪善行俱可評炷掌侍母疾祈天達五夏身以
當白刃敵虜猶人情天教鷓擊雉王省比豈輕一家三斷指門閭宜寵旌
如竹不待培天性非琢成先人美其事文字炳縱橫鄉黨聳瞻聆人人歎
且驚家行永不墜庶或裨世程孝以傳苗裔何須金滿籛至今孝子里片

石何崢嶸腹食尚賢祠春秋薦犧牲復觀三綱錄流芳若蘭蘅人誰無父
母世多鴟梟嗚嗟我幼失慈羨他遺君羹所怙亦已矣白首悲孤筑撫圖
憶古人潛然竊我纓 歲辛亥三月二顯年下下泮進士南陽洪錫箕謹稿

涑水書院景賢祠奉安文

密於尚顏實乃僻縣地偏以左庠學最遠不有君子曷樹風聲按廉挺世
本立道生至誠感神筍抽泣血大字鐫石赫赫前日月城鸞棲文翁化蜀
異治登聞徵黃增秩淡仁厚澤泱泱肌骨惟我兩賢前後揆一世遠人亾
芳躅如昨民彝同好報死寧忽顧惟生祀制度踈略矧茲鄉賢俎豆尚闕
合祀并享先正遺教乃卜新基有儼清廟溪山動色雲物增輝消吉妥靈
酒香牲肥清明如昨典型愈新庶幾歆格牖我後人

孝宗丙申十一月大司諫金應祖撰

常享祝文

持身廉潔守官忠直孝通天地誠貫雙竹本立道生千古準則鄉邦永慕
歲薦牲特

杜門洞書院退齋先生奉安文

卓矣先生膺期鍾精孝感天神志秉春王陶牧襟懷圃冶忠直遭世艱虞
之死反僕杜門一時名垂無極凡在搢紳疇不欽仰况茲陽九益切震懼
幸有諸賢慕義切祠意有不偶競相趨事新廟赫赫松京之墟乃覺茲區
迥別他處是昔行旆徜徉之所於焉建祠彤嚮千禩今奉先生揭虔東位
共義羣賢儼臨緝儀培植綱常先前迪後高風尚凜芳躅不朽將事之始
潔薦虔誠願垂顧享佑啓文明甲戌九月日後孫學錫撰

上將公墓碣陰記

公諱始生鵝洲人官至禦侮將軍副司勇高祖諱祐奉常大夫司憲府掌
令全羅道按廉使事父母至孝父判書公卒公廬墓三年朝夕號哭有雙
竹生于墓前事 聞旌閭曾祖諱光貴知鳳州事祖諱希信通訓大夫丹
陽郡守父諱乾內禁衛公娶比安縣監金三近女生四男長以南訓導次
介甫司直次用甫縣監次善甫教授子孫散居于本府豐山清州義城而
居義城者尤昌大承旨之悌其子正言弘望實為公五六代孫也各派繁

衍幾至累百餘人公積德餘蔭有以延及後昆也歟公移居于安東郡豐北鼎寺洞

丙辰四月日改豎九代孫賁龜識

直長公遺戒

一戒酒色謹言行和兄弟睦宗族交隣里救患難資有無
一作妾好訟安徐認有非義不為殘忍不為隱惡揚善

大抵古人言易求者田地難得者兄弟宜不信哉側聞世之人片片田地及果木桑木相爭以至憤激不和者頗多婦人女子信聽婢僕之讒同腹族親間相詰不睦者亦多慎哉慎哉如有頑惡子孫不顧祖先之遺書族中捐徒事

墓碣陰記

府君諱幹字直卿系出巨濟鵝洲縣六世祖諱祐麓朝按廉使事親至孝父版圖判書諱允濡卒廬墓三年朝夕號哭有二竹生墓前人稱孝感事聞旋間賸食于尚州之涑水書院考諱介甫顯信校尉司果妣星州李氏

娶栗峰察訪郭原道女居清州文博里有五子曰億齡萬齡千齡百齡齡齡一女適佐郎蔡無悶有家訓略曰戒酒色謹言行和兄弟睦宗族交隣里救患難資有無也歿于嘉靖己亥二月初二日葬在所居後百步許坐之原今及澤斬之世志行年德無由考述而觀其遺訓可見家行之有自來矣有墓碣乃嘉靖庚戌所立殆將割鼓不可久傳諸孫合謀伐石改堅記系派 辛未月日五世孫應泰謹識

判凌事公墓碣陰記

公諱翰字國憲鵝洲人高麗按廉使諱祐六代孫高祖諱希信丹陽郡事曾祖諱乾內禁衛祖諱始生禦侮將軍考諱介甫司直妣星州李氏司猛仲字女配掌令具永年女生三男四女長應奎次應壁次應參長女適朴汝舟次女適李張次女適南應鍾次女適李莒應奎生二子夢得夢弼應壁生二子弘俊英俊應參死後夢得生七子之孝之悌之信之義之行之敬之訓夢弼无已出以之行為后弘俊生二子之善之問英俊生一子之忠之悌登 宣祖己丑甲科官至同副承旨之行以財補 國除知中樞

府事蒙追 贈三代公自安東來居義城以外鄉也墓在本縣金磊坊泉
洞子向原配 贈淑夫人長髻吳氏墓在後遺蔭所暨雲仍蕃多不能悉

記七代宗孫天翹謹書

承仕郎典洵司參奉公墓碣銘

公諱椿年字壽翁號栗亭巨濟鵝洲縣人高麗版圖判書允濡之後考諱
用甫果川縣監妣安東權氏習讀官寶成之女公生于弘治癸丑歿于嘉
靖壬戌享年七十明年癸亥十月葬于豐山縣北鉢山洞配安東權氏直
長哲全之女墓在其右公嘗試吏才為典洵司參奉性伉直不能屈首刀
筆間纒一年而棄歸居鄉亦不為非任真待物不事邊幅日與隣曲畋漁
為樂能飲酒不亂及卒鄉人稱惜之有二子長曰暉次曰暹為通禮院引
儀長三子弘俊光俊忠俊引儀三子元俊仁俊廷俊銘曰版圖之裔果川
之子不冗于甘歸老鄉里我莫人爭人孰我訾二子六孫遺慶在是信彼
雙墓其永無圯 嘉靖四十三年甲子六月 日嘉善大夫工曹參判李

湜撰

壽亭公事實

公諱彭齡字德老系出巨濟鵝洲縣農祖按廉使諱祐之七世孫也考直
長諱幹自義城移居清州有五男一女公其季也妣玄風郭氏察訪原造
之女也 中宗丁丑七月初二日生公於民朴里及長移居松村子孫因
家焉萬曆壬午七月初三日戊午以癘疾終享年六十六厥疾傳染兄千
齡配金氏子婦邊氏相繼而卒茲不克葬三年甲申窆于巨川未坐之原
公平生志行御家模範文籍無徵故老失傳非不肖末裔所可得以詳焉
而嘗侍祖考執義公粗聞一二公少事舉業弱冠中鄉試兩場未及會試
國家有事罷榜自是不復就舉晚來以射候為遣閒之資技極精妙一時
武藝擅名者皆莫能爭衡至於書法幾乎入神嘗語諸子曰吾平生所習
只紙一卷云嘗書海菴訓子從學帖二通以授二子經今百年手澤尚新
嗚呼此不肖孱孫襲藏珍寶之一幸也配彥陽金氏世珍之女貞烈公倫
之七世孫 中宗某甲五月二日生亦於壬午十月十日甲午以癘疾終
墓合窆有四子二女長曰櫟次曰櫓俱中癸酉司馬櫟早卒无后櫓出繼

叔父三曰檢參奉四曰捷參奉長女適文化柳麒壽次適鎮川鄭複皆元后玄孫應洙謹識

參判公墓碣陰記

公諱應奎字文仲判凌事諱翰長子內外世系詳載判凌公碣陰記昌寧曹氏忠順衛良範女二子七孫亦載判凌公碣陰墓在判凌公墓前配贈貞夫人曹氏墓在本縣下川坊新禮洞柏岡午向原卽祖妣星州李氏墓後也六代宗孫天翮謹書

生員公事實

族曾祖伯父生員公諱櫟字汝壽高祖長子也嘉靖辛亥生十九歲與弟櫓請學于剡溪李先生高祖手書朱子訓子從學帖二通以授二子剡溪勤教數歲文思穎悟能通性理之學儀威端肅操履謹密大為同儕所畏敬剡溪奇其警敏手書朱子白鹿洞規篤行一條以與之曰凡人知而不行者尚多故為汝壽祕書篤行不及於知又贈詩曰汝年已過八端可誦書傳自此心惟欽終能極功見自是學識日進長於文筆二十三歲癸酉

第司馬聯壁時剡溪妾夢申某兄弟俱持白牌而伯氏白牌同裹紅綃云剡溪大喜曰此必申某登大科取紅牌之兆也應榜遊街時市上有老嫗見之曰這賢必是兄弟前行的人必至貴顯但恨其年壽不長耳佇望嗟惜其時陪行僮僕隨後聞此言而不問其故于厥嫗其為無知不忠甚矣及至翌年身病碎發奄忽違世厥嫗之言果驗剡溪亦大痛曰安知紅綃之夢反為旌帛之應耶慟悼久之長老傳公稟質清粹羸弱每遇夏月不進粥飯惟以太米數合饒飢云此非享福長遠之器也白牌試紙至今幸存卽其文筆觀之詞華之富字畫之正真有老成之態至如牌紙間偶然揮灑者似不甚經意而亦皆先儒嘉言至論孝行學問上文字也可見其用力於實地操守之萬一倘使天假之年所就顧可量乎惜乎有才無命秀而不實青年早世壽止二十三未知紅綃之夢是何妖孽也莫非門衰祚薄之致也嗚呼痛哉族曾孫應泰謹識

左承旨公墓碣

公諱夢得字商卿鵝洲人高麗按廉使諱祐之八代孫也高祖諱始生御

侮將軍曾祖諱介甫司直祖諱翰 贈通政大夫掌隸院判決考諱應奎
贈嘉善大夫工曹參判妣昌寧曹氏 贈貞夫人嘉靖己亥生萬曆丁未
終前夫人朴氏同葬于義城西面安平橋洞東甲坐庚向之原夫人考敏
樹妣咸陽朴氏嘉靖庚子生隆慶己巳終生三男一女長之孝次之悌登
己丑甲科官至承旨有功蒙推恩次之信女適金希孟後夫人高敬吳氏
生四男之義之行之敬之訓弱冠妹第五子之行出為同生弟判尹公諱
夢弼後以財補 國除同知中樞府事蒙追榮三代長孫命羲有三男其
餘內外孫合五十餘人後夫人墓在前

崇禎三年十二月二十六日孫進士弘望謹書

吳氏墓前碣陰夫人左承旨申夢得之妻考諱士翼妣咸昌金氏嘉靖丙
辰生天啓癸亥終有四子見承旨公碣陰

生員公事實

公諱櫓字汝步生員公櫓之弟也早受業于剡溪李先生之門而文忠穎
悟學力純濃累得師門之獎與而家庭之訓居多年弱冠與兄櫓司馬聯

璧曾於萬曆壬午丁外艱廬墓三年名其倚廬之地為祭廳洞至今稱傳
則可見其退齋公廬墓之誠有自來矣而傳於公者也其所謂祭廳洞乃
所謂孝子里也然而壽止三十八而終龍崖公所謂門衰祚薄之致者良
以此也余於是也不勝追感之懷參考其家藏文籍略記數行傳於百代
傳信之譜耳不肖孫弘祚追述

參奉公事實

族曾祖季父參奉公諱榘字汝任辛酉生高祖第四子也同兩兄受學于
李剡溪而自以文思學術不及兩兄不事舉業而隱德焉晚年居瓦堤傍
日必杖屨來往于宗家終日而歸蓋以宗家乃父兄之舊宅而諸姪環居
于側事之無異所生也堂姪輩多在民朴里逾一嶺五里餘而更迭往來
待側無間若微有過失輒招致庭下撻之蓋兩兄既沒之後齒德當為一
家之宗長凡一家內大小事無不稟白而主張之教誨而警飭之敬奉導
行無敢違越且其先業頗廣本宅並子姪七宅家計各保稍康公始定教
令每值節祀各設如供內外共餼每適族中生日各設盃盤齊會盡歡而

罷如是三十餘年率以為家法故洪陝川李西溪諸賢時或來參亟稱申門有孝友敦睦之風此實公之教成于家而信服于隣也此非所謂人樂有之賢父兄乎申汲洪南原僉文嘗謂余曰申某文性嚴整端恪方面大耳美鬚髯吾儕以洞內年少每候謁必吐露誠心諄諄語欵曲然而仰之儼然有難犯氣像不覺擊踞曲拳當時忠厚長者無如申丈也噫自謂不及兩兄而人之瞻仰起敬猶尚如此則其兩兄為人可想矣享年六十七而終自是之後家業漸至零替子孫漸至踈遠先世遺風邈焉荒墜忝厥之罪可勝歎哉族曾孫應泰謹識

鷹巖公墓碣銘

曰不佞拜申公弼周氏公出先蹟錄按不佞曰吾先祖歿今百八十有一歲矣影響且昧昧焉無所尋逐竊恐潛德懿烈終遂湮沒而無傳將有樹于塋域願子之惠以文也不佞以非其人踧踖不敢承後一日公又序在申前請益勸曰子於梧峯先生實外裔而吾先祖則梧峯兄也義敢辭乎不佞遂不獲終辭乃敢僭率而敘之曰公諱之孝字達夫鵝洲人曾祖

贈判凌事祖應奎

恭陵參奉

贈工曹參判考夢得

贈左承旨城

贈淑夫人月城朴氏士人敏樹之女公幼歧嶷異凡兒甫成童與弟梧峯

從惟一齋金公彥璣學學曰就金公甚器重之年未弱冠遊校院儕流

憚推服二十五為校長端坐齋室諸生無敢誼譁失儀者治公車業有傳

聲累捷鄉鮮輒居前列承旨公嘗曰此兒能復立申氏壬辰五月倭兵搶

攘時梧峯知宣城縣在官公獨奉老在家避巖穴門倭踵至劔公左肩血

流淋漓公臨絕噉葛為筆濡血書所著紬衫遺命寄梧峯槩謂吾之藏身

不密不孝孰甚焉老親則有諸弟奉侍君既委身王室有職守當臨亂

授命而矢石赴死之日恐無以尋屍幸於足掌書宣城二字俾識之云此

其血書顛末而梧峯公曾孫叔範氏閱家中書篋偶得是書既驚歎不已

歸遺公五代孫海雲而顧歷年久血字模糊破缺恨無以辨其全文也公

生明宗辛酉不淑于壬辰得年三十二公容儀秀俊性質方嚴平居好

讀書四子經傳手書日誦又抄性理書好語以資省覽志氣激仰操履篤

確方其避禍也以呼吸垂絕之命神閒色定不動毫髮而君親一念炳

然如丹至以血書縷縷勉弟至今數百載之下折覽遺蹟凜然猶有生氣
吁亦烈哉配咸昌金氏習讀疆之女墓于本縣億谷板反山負震原與公
葬同穴有二子長命義次命夔命義有三子長孟堪仲堪季堪命夔有一
子壽亨銘曰

揭揭我公天賦超詣惟孝于親亦既友弟聲譽藹蔚粵在妙歲既豐其畀
奚運之鑿凶鋒所罹疇不隕穫公乃從容蹈刃不懼遙寄諛語血字煌煌
嗟李許身當死封疆曷求委骸其視諸掌忠肝攸激天日炳朗至死不變
矯矯其強我諗太史誰聞潛光公身不有公後必昌窈彼億谷寔公之藏
銘以詔之庶扶綱常

上之四十六年庚寅十月日豐川後人任必大謹撰

梧峯先生墓碣銘

公姓申諱之悌字順夫號梧峯鵝洲人鼻祖諱允濡高麗版圖判書生諱
祐全羅道按廉使有孝行旌閭曾祖諱翰 贈掌隸院判決事祖諱憲奎
贈工曹參判考諱夢得 贈左承旨死 贈淑夫人月城朴氏以 明宗

壬戌七月辛丑生公少力學己丑擢文甲科由司贍寺直長轉典籍監
出為禮安縣監鶴峯金先生惜其去勉留之公為便養赴任壬辰八路
於兵公糾烏合進駐龍城欲遏敵聞者壯之巡察使以公獨能不失官守
聞命兼禮曹正郎異數也丙申以體府 啓仍任丁酉拜正言自是至丁
未於內除禮曹佐郎正郎再為持平文學兼知製 教於外為全羅都事
全州江界判官巡察體察統制三營從事官夏遭內艱廬墓終三年戊申
宣廟上賓時事一變公未免沉冥卑冗除工曹正郎忠清全羅都事北
評事癸丑拜昌原府使有獷敵據島出入焚掠隣邑莫能制公設方略悉
捕之事聞增秩陞通政癸亥 仁廟改至朝廷清明拜同副承旨以病辭
公素患風痺至是疾益甚甲子正月八日終于正寢同年月日葬義城縣
西栗谷之亥向原先是甲辰公參宣城扈聖勲丙戌追 贈史曹參判嗚
呼公天資醇粹儀度秀偉西陲柳先生嘗稱其為第一人物旅軒張先生
亦以為賢人稱道不已性篤孝八歲持母夫人菴如成人事繼母具氏盡
孝當其末疾奄奄語不可了猶亟問親瘠既絕乃已愛 君憂國出於至

誠嘗聞廢主遜位時事為之泣然流涕風流篤厚律已甚嚴人有要公見
權宰者公謝不敢仍諷戒之其人不能從未幾果被禍憲府遇灾將陳劄
屬公構草語觸權奸為同列所沮即呈告下鄉鄭仁弘勢焰薰灼公莅近
境六暑一不染跡仁弘心服公政治不敢修卻尤留意文教禮安全州昌
原之政一以興學為先務於禮安每至陶山招諸生講學不怠夫以公德
之厚才之偉乃不得與顛大輩齊驅而併美其如天何哉配貞夫人咸安
趙氏 贈刑曹判書址之女生癸亥歿庚寅祔葬于栗谷生一女適進士
李舉一男曰弘望今豐基郡守有男三漢老漢傑漢伯女十柳重河金時
任李朝銜任世準都爾高權休朴文約朴望之李國馨李隆逸曾孫男女
若干人公在禮安當大饑血誠分賑旁邑皆歸之所全活累千人公時無
嗣夢神人告曰積善之家當生貴子庚子果生男即豐基公也有才行見
聖於士類豈終屈於下邑積善餘慶其理有必然者銘曰

版圖之業按廉是繼孝思感神荀生泣灑厥緒遙遙慶毓于公資醇以粹
學博而通鸞鳴桂樹鳳儀明庭縣州不卑臺省非榮乃應時須屢佐幕府

鉉券勲名窈窕 恩數中遭不辰外符長縣日月重明寵擢最先方期展
布胡不愆遺尙有典刑傳芳白眉王公不做于門必大莫謂天高此理未
昧年月日通政大夫弘文館副提學知製 教兼 經筵參贊官春秋館
修撰官金應祖謹撰

軍資監直長公事實

公諱之亨字昌仲生員公櫓之長子養一堂之益之伯兄也自少有剛毅
大節當丙子亂率義旅一方之人一遵公指導賴以圖生者百許餘人俗
稱申大將至今傳信則可見公氣節之卓卓而歲久而文獻只此生二男
二女長曰鑽次曰鐔為養一公繼后而以孝旌表卒於萬曆庚寅享年七
十五配安東金氏後配鎮川宋氏配位之父祖諱字無傳可歎後孫弘祿
追述

司宰監正公事實

公諱之仁字善夫生員公櫓之第二子養一堂之益之仲兄也公生於忠
孝之家稟賦純厚文行兼備其子松坪公缺以至孝生旌莫非公教導之

篤有自來而然矣年五十七卒于庚辰葬於松谷冶洞壬坐之原配原州邊氏太信女也女柳尚文文化人趙德興郭後隈玄風人世久文獻只此耳族孫弘林追述

參奉公墓碣

不係世類此古語也觀於申氏之門可異焉高麗按廉使祐哭墓有雙竹之瑞其九世孫曰之益三歲而孤稍長其母泣謂曰汝勉之寡婦之子人所鄙夷遂從西溪李公得胤請業西溪奇其警敏曰乃翁有子矣年十四五盡通經史長於詩累占鮮額性剛疾惡嘗上疏斥李爾瞻之姦兩司請拿鞠又上疏言益切中外驚懼公不為動孝性純篤母病革沐浴齋戒炷火掌心以禱北辰又割指進血及容任情哀毀吐血數升每哭泣絕而復甦羸病已作而亦不脫經帶不離床次饋奠之暇讀禮不輟服闋構精舍於冶溪之上取程子涵養吾一之語扁以養一與西玩易齋雲煙相接往來從遊議論無倦 仁廟初屢擬官不做其後大臣舉孝廉除參奉職稟歸丙子之變聞媿成 世子入質痛哭不食自是永無當世意年六十二

卒于崇禎己丑系出巨濟令同正晉升其始祖也按廉之六世孫本

直長公幹有遺戒子訓語子彭齡嘗手書晦菴訓子帖以授二子其

之考槽也篤於文行捷司馬而無年妣主簿金坦女配全氏有婦德無子

一女適曹瑗取兄子鐸為嗣與其從弟缺亦皆孝子 孝廟及今 上朝

清州一鄉具述兩世三孝事蹟聞于官禮曹論 啓皆 命旌閭闔有一

子應泰也蓋按廉有二子自是派分多在嶺南鄭文肅公經世嘗有墓文

記其六世孫元祿以孝趾笑旌門而其在清州者幾乎泯沒今幸孝理之

下俱蒙 恩典嗚呼休哉此豈非世類也耶大雅既醉再言永錫者其為

風化助遠矣時 崇禎旃蒙亦奮若暮春日恩津宋時烈述

儉嚴書院常享祝文

雙竹古家世類不夾義凜誅奸孝感燃掌涵養心性優遊禮學旌閭祭祀為世矜式

執義公事實

公諱之禮字恭夫參奉公檢之子壽亭公彭齡之孫也公生於孝友之家

天性恭儉慈仁事親之誠教子之道寧有儀則族黨鄉隣俱得歡心亦能克家而官至直長以其曾孫同樞公尚錢之壽職追榮 贈執義年八十卒於崇禎庚子葬於巨川先塋下西坐之原配安東金氏起聲之女佐郎垣之孫也生一男鑄亦以孝行克家文獻只此無徵余於執義公為本生六世孫也自不勝追感之懷略以記之不肖孫弘祚謹述

掌樂正公事實

公諱之祿字受干公之考諱健以文詞學術遊於剡溪李先生之門赫赫若在人耳目而以教公受誨居多世稱純厚長者至今傳誦無已余採其所聞者以記譜錄之中非我私焉實先輩遺語而以其曾孫同樞公尚廷壽職 贈掌樂者也族孫弘祚追述

都事公墓碣

公諱命義字宅岬鵝洲人高麗按廉使諱祐十世孫曾祖諱應奎 贈參判祖夢得 贈左承旨考諱之孝壬亂血書勉弟死 國有難事請死 咸昌金氏習讀疆女公萬曆甲申生 仁祖戊辰 除都事乙亥終葬承

公墓前甲坐原配玉山張士人敏業女歿壬午墓雙墳有三子孟堪孟薄仲堪李堪二女李正金汝孝孫瞻武科盼護軍曾孫天杰天達并生員玄孫漢雲進士內外諸孫多不盡錄

處士公事實

公諱鐔字士佩養一堂之益之子生員公櫓之孫也天質純善行義自修平居以至誠事親當丙子亂奉病親避兵山中猝遇賊兵白刃交下公以身救衛父母啼號求哀賊亦義之相顧稱嘖不敢加害而去可以見誠孝之感異類其後母病斷指瀝血以救生員洪公願中以此實狀發文一鄉因以呈禮曹禮曹論 啓 肅廟癸亥與先府君并旌焉有一子應泰也不肖孫弘祚泣以追述

松坪公事實

公諱缺字子長司宰監正之仁之子生員公櫓之孫也與季父養一堂之益暨從兄處士公鐔并為三旌焉公生于世世德家平生以至誠事親一日病親思食滋味家貧無以供忽有小鶻擊雞籬下以供其病親此誠黃

雀入幕之效又有雪中採蕨水上得鯉秋摘櫻桃冬得蘿菔之事而今歲
谷鯉巖櫻田蘿菔田皆因公得名者也病劇割指以血飲下幸以回甦又
吮伯父之毒疽連晝夜四五日得瘳以此生員洪公頤中為通文至蒙
恩與 孝宗乙未十月日特 命生旌閭實先於季父及從兄而公以是
耻之里單固讓不得 朝廷許以山東一面結稅終公之世給復褒美之
恩可謂盛矣族孫弘祚追述

孤松公墓誌銘

公諱弘望字望久號孤松同副承旨 贈吏曹參判梧峯申公之子參判
公嘗為禮安守因歲饑活數千人得異夢生公幼而神采炯潔才氣豪邁
見者稱其遠器受庭訓甚勤力學為文淳澆有餘丁卯中進士戊寅薦除
康陵參奉不赴己卯擢別科初補太學官李相公聖求惜其才薦翰院
見尼於營路甲申始除承政院注書應對通敏筆翰優贍 仁廟奇之及
田還 賜臘藥及扇遺老母蓋異數也丙戌陞典籍郎遷兵郎纔數月擢
拜司諫院正言俄遞授禮郎丁亥又拜正言為養親出判完山府府即參

判公桐鄉也奉板輿至任所榮養備盡為政一循先蹟境內大治及歸
民刻銘于先碑之陰以頌德壬辰拜司憲府持平有李時樸素不廉於官
不謹於喪人言誼藉持平李温發 啓旋被院駁以去及時樸為都承旨
陳疏自明且引先賢為證聞者憤惋公將舉劾同列畏時樸勢固止之且
曰君朝夕且瀛選言此必塞公而不聽遂獨 啓曰時樸疏有曰不廉不
謹昔賢亦多被誣所謂被誣者何賢誣賢者亦何人時樸重被臺彈不杜
門省愆敢妄自引喻侮辱先賢請削版 上不允於是諫院駁罷如李温
公卽出城而還未幾竄碧潼家人皆號泣公不少動怡然就寢翌曉肄家
廟行比至弘濟院特 命付處兩司請還收 上不許公改路赴平海配
所未一月赦還丙申除蔚山府律已清簡革祛弊瘼民立碑寓去思己亥
除豐基守邑宰三人連沒官皆曰不祥公言吾不取官無以鮮妖言遂赴
任郡僻無事以訓士興學為務留數歲棄歸行橐蕭然有紅梅一盆癸卯
授關東幕改授司藝謝 恩而還後除宗簿正判校等職俱不赴生庚辰
歿癸丑享年七十四訃聞 朝廷致賻如禮某月日葬于義城縣下川黑

石里已向之原公天性篤孝歲甲子參判公捐館公哀毀踰制三年不飲酒漿登科以不及於先公在時賀者至輒出涕及遭先夫人喪年既衰猶執恣不懈數省墓不避寒暑朝夕謁家廟忌日齋沐悲慙終身如一日平居無惰慢氣無疾言遽色教子孫必以禮法待親戚鄉鄰皆曲有恩意而尤恤孤貧優善行噫公之文學足以揚明廷宏器碩德足以贊鴻猷敦薄俗而畢竟為權貴所擠沉淪於冗散郡邑而止宅畔有松蒼鬱公嘗取以為號榜其堂曰樂善此可見其平生也申氏系出鵝洲有諱祐有孝行旌閭官至按廉使曾祖諱應奎 贈工曹參判祖諱夢得 贈左承旨考卽梧峯諱之悌妣貞夫人咸安趙氏 贈判書址之女公娶永川李氏父參判民賓祖觀察使光俊淑人生於簪纓家淑德懿行有古女士風先公二歲而歿葬于同塋子男一八宣教郎漢老女八人柳重河金時任進士李朝衡任世準都甫高權休朴文約縣監朴望之其婿娶密陽朴氏原從功臣仁立女男二主簿漢傑漢伯女二李國馨李隆逸漢老有四男叔乾叔篋叔廷叔篋三女生員李之煜柳聖時李華內外曾玄至八百餘人多

不能盡錄公之曾孫上舍震龜以李奉事光庭狀請誌相一累辭不獲謹按狀而掇其大者序以銘之銘曰

克孝且廉梧峯之嗣雖躓不渝孤松之翠既豐其有胡喬其位維身退野維言扶紀曾玄百千寔天攸賜崇丘有藏毋敢傷毀

己未七月日通訓大夫前行司憲府掌令權相一撰

大司憲公墓碣

公諱應泗字源魯號松谷承旨公鑽之子家傳孝友事親奉祭一遵先府君儀則而至於待人接物款款有君子之風為士友推重與養幽齋李公晚洲洪公為道義之交有詩集長詩屢占解額終未大仰此莫非門衰祚薄之致也與其弟應涑三從弟龍崖公應泰並皆文章而擅名一世三申之說至今稱傳年四十六卒于乙卯葬在本州東東林山子坐取應泰子尚錢為嗣以壽職同樞追榮大司憲者也而余於本生玄房也茲不勝追念之懷以記之不肖孫弘祚謹書

謹齋公墓誌

公諱應海字大受號謹齋孝子松坪公缺之長子司宰監正之仁之孫也
公以世世孝友之家事親之誠敦睦之誼出於家庭間耳聞目覩稟賦之
天性則公可謂有是父有是祖而傳于後世者也豈不休且美哉今此譜
單修葺之日得其家藏于其五世孫漢根家因籍而記之也公之長子尚
簞次尚簞尚籩尚簠之子永宵永宵之子達洙達源達溟達浩曾玄孫不
可盡錄也族孫弘祚追述

龍崖公遺事

公諱應泰字吉來初諱應澆字澄叟孝子處士公鐔之子養一堂之益之
孫而文正公尤菴宋先生時烈即其師也公五歲喪父七歲祖父朝夕祭
奠隨母拜哭儼若成人然人皆異之及長奉養老慈晨昏定省極其誠敬
母夫人潘氏素患氣虛之症少失攝漆劇常置煑煎之具饌進無時之供
及喪擗踊過度半日氣絕哀毀之極幾至滅性不脫經帶不離喪次讀奠
之暇讀禮不輟且以早孤抱蓼莪之痛追服則先儒非之不敢徑程而行
昊天之痛無以少洩因後喪自卒哭後奉主同案於几筵三年祭奠如升

百喪之禮以少伸無窮之慟值父母諱日祭需必粒粒精擇沐浴齋戒專
心致誠哀痛之聲無異初終日必衣冠參謁家廟亦於在疚作讀禮抄
一卷又抄冠昏祭四禮之便於日用者而名之曰四禮抄蓋其好學之
誠老而彌篤終日明窓對越聖經晨夜之間誦吟之聲不絕於口常如少
壯之時為學以當理無私為平生工夫清貧自守不營生產財利之談未
嘗發於口餘力學文辭華贍蓋其初志脫略藻華專意實地而兩代侍
奉親命難違遊於詞場大小科初試七度八格時命不謀未有所成早廢
舉業甲子乃執贄於尤菴之門專用力於性理之學而學力純淡造詣精
密作四書圖二卷微辭奧旨毫分縷析又作斯文序說一卷經旨之難究
者皆彙分類集以為後學之指南且有太極兩儀以至八十四卦皆圖上
下冊子乃抄聚先儀所以發明陰陽動靜互為根本之文字謄附于各文
之下仍以自為可訂文字亦附于冊子循環熟復常目在之以究其先後
天相仍之理仍著伏羲八卦文王八卦說以辨之且周易六十四卦抄出
緊要文字逐卦謄附成一冊子以為觀省之資且以璇璣玉衡及曆三百

註參以十二月二十四節候晝夜長短分刻躔之度數以爲測景定時之圖名之曰日影臺又抄朱子書學問上緊要文字以爲平生服膺之地而曰先師平日一動一靜皆以朱夫子爲準吾雖不敏何不效先師之事乎又瞻東方諸賢行狀及碑誌文字時時披閱而見其美蹟行義則招致諸子于庭下指示之使之取則焉亦於退溪秋巖所作天命圖下攷校兩說十分精察以析天命所肇之源多發乎兩賢所未發嘗以本州 聖廟宇本位版訛誤事疏請釐正又請太學鄉學別立啓 聖廟 批下禮曹矣其後啓 聖廟則本校雖未立而太學果以別立本校改正亦多後先施且當宋先正受命之日構疏詣闕乞以身代呈于政院則政院曰已有後命封疏無益還爲出給終未上達嘗擬上疏請建 神宗皇帝廟以明春秋尊王之義草疏未及上而華陽建 萬東廟朝家於後院設大報壇於此可見學業之光明氣節之卓卓而老先生特推獎許至謂詞場之學道不到故判書金公昌協嘗推以尤門之高弟寒水齋權公尙夏嘗稱一代之善士又稱其學力純淡聾溪李公秀彥嘗稱爲人忠厚醇謹有古人之

風至使門人師事之又歎美其文章至謂當世銓衡者未易敵也直齋李公箕洪稱其志學不怠老而彌篤繼述志事能振家聲其見賞於當世之大賢君子者果何如而文科一人筮士二人司馬七人出其門門人稱龍崖先生享年八十六歲壽以爵僉樞卒于崇禎戊申鄉中有立祠議以其孝行學行呈書尙未蒙 恩典此莫非子孫單弱之致而誠力之不足也不肖孫弘祚泣書

宣教郎公墓碣

府君姓申諱漢老字德儒鵝洲人十二代祖諱允濡仕高麗官版圖判書風裁凜然人比之唐介有子諱祐全羅道按廉使至孝廬墓有雙竹之異享涑水書院入李 朝有諱應奎 恭陵參奉 贈工曹參判有諱夢得贈左承旨爲府君高曾祖祖諱之悌承旨 贈吏曹參判號梧峯享藏待書院考諱弘望官正言號孤松遊張旆軒門稱第一人物妣淑人永川李氏參判民寘女監司光俊孫也府君以天啓癸亥正月十七日生幼聰明穎敏稍長篤志力學爲文章燦然有光屢魁大小鄉解輒不利於省試忽

忽無進就意欲遂廢舉業進白乳松府君府君之飲遽置觴而歎曰吾年
已老好見汝立揚扶我門戶汝意如此無可為也辛亥丁外艱癸丑丁內
艱居憂累年益厭場屋遂不復舉丙辰十月九日終于正寢享年五十四
葬于義城郡鳳陽面龜尾洞神塘山吳向原府君天性溫良愷悌制行以
孝悌嫻睦為本襟懷灑然迥出流俗不以富貴名利為念姨兄芹谷李相
公觀徵屢入銓曹而一不從其門李公嘉其志操不苟引焉府君前娶豐
山柳氏參奉元慶女墓合祔後娶恭谷都氏士人爾尹女葬義城安平面
佳道谷已向原俱別有墓誌府君生四男三女男長叔範即吾先人女適
李之煜生員適柳聖時皆柳氏出也次男叔蓋叔筵叔篋女適李華皆都
氏出也先人生四男二女男貢龜復龜震龜生員泰龜女張東棧呂床叔
篋生二男三女男聖龜壽龜女成滌鄭游洛李元祥叔筵有四男三女男
夏龜禹龜一龜協龜女李建中盧慶運李九龍叔篋有一男一女男錫龜
女李定遠之煜有一男四女男仁培女鄭萬陽參奉趙是光生員趙重生
洪有鳳聖時有二男二女男允迪萬迪女裴行健李起三華有五男二女

男仁教宜教文教行教信教女權相龍今登文科申光運內外曾玄孫以
下不能殫記銘曰版圖偉績輝映汗青按廉孝思感通神明派長以流
茂由根華緒綿綿克昌厥昆梧峯碩德孤松嫵操多士景仰鄉邦起慕倚
歟我祖繼茲以生不祿而安無爵而榮八孝出悌餘事文華清白遺孫詩
禮傳家嗟天降割壽未克遐維茲石塔冠履收藏神劔未會遺恨亦長榮
域雖別地步孔通九原千秋 魂其倚 歲己未正月日孫生員震龜撰

三知堂公墓碣銘

鵝洲申氏自版圖判書諱允濡剛直重當世子按廉使諱祐潔身濁世至
孝旌闔為麗季名家八我 朝世有衣冠至同副承旨 贈史曹參判諱
之悌號梧峯有碩德至行正言諱弘望號孤松有清名直節俱重光先烈
為世師表是於府君為大父妣淑人永川李氏參判民賓女監司光俊孫
也妣密陽朴氏宣武原從功臣天城萬戶諱仁立之女忠武衛司正 贈
刑曹參議諱允濟之孫也府君諱漢傑字時重號三知堂年二十以大父
壬辰功階宣務郎陞義盈庫主簿生以光海戊午卒以 肅廟丁丑葬所

居龜尾里池內丁向之原其左有配宜人南氏墓其下有長子司果墓又其下有次子叔蘆墓墓皆與其配雙封府君天性醇謹自爲童孺時如成德人有至行善承父母意居喪哀慼盡禮嘗曰爲人子言忠信行篤敬無貽父母羞是職也凡出入動靜必於是復以知分知足知止之三知額櫛而號焉謙謙自牧一世賢士大夫莫不欽歎不名而號之鄉之長老常擬生祭於社四方賓客之入洞門者先至府君之廬府君容姿炯秀襟懷灑落年既老皓髮矐頰斂形清坐見者指爲壽壽君子也按上舍李公之煜書曰執事江左第一風流也護軍南公碩資序曰主簿公持心敬行身謹不援上不陵下守其素分老而不衰見者悅而聞者艷昆弟稱善人無間言夫南公性亢平生無許可人又與府君年紀不甚遠乃稱公而有云其兒重當世可見矣宜人南氏望英陽考軍資監參奉諱樞祖中樞府事諱蓋忠婉順得婦道舉五男一女長叔箴武科司果次叔箴叔箴叔簡叔箴女適朴昌彬銘曰梧峯之孫孤松之子恐忝所生小心敬忌三知揭號百行是似無惡無斁令聞不已倚我玄祖世濟其美崇封有石永眎萬禩

方模楷望卽 啓達收用云云戊辰尹方伯光頴特致問安狀副以節劄先生只以數行語依例修答及其行鄉飲酒禮時送官吏固邀先生以爲非但老病不任遠役爲士尚志豈可以方伯之名而駿奔乎遂不赴先生欲於山水佳處築一小齋爲棲息之所庚寅縛茅屋于鳳凰洲上竟以歲侵力屈未畢工而止先府君嘗寓居錦山之陰欲置一亭於東麓未就先生名其遺址曰慕原每有肯構之志大山先生聞而促成之辛丑始築精舍于錦洲之上右室曰主敬齋左室曰集義齋先生常處右齋四壁書四勿六有及古人格言之妙契于心者感朝日暎照之光迷窓銘集句手刻爲圖揭之東牖做衛公箴做之義作座右銘一篇書于左側枕邊西北偶設小屏寫退陶先生聖學十圖常目而日省焉山後一谷有名魚頭屏者先生改曰晦屏因以自號取尚絅闇然之義也先生自此絕意進就潛心經籍閒居靜養隨分藏修一水石一草木無不品題吟嘒書衡門考槃二詩于壁上時時諷誦每值良辰清夜月明沙白輒緩步下臺逍遙江皋命兒曹誦漁父辭聽之賓友相訪開襟討懷悠然自樂不知老之將至及其

晚年望實俱隆士林仰之若靈光焉嘗為冰溪派主洞舊有太乙壇已移
泰安郡而遺俗猶存巫覡以歲時擊鼓祈禱先生毀其神堂嚴禁以絕之
鄉長老屬先生行通講禮先生做朱夫子月朔會約草會儀一通已而以
事不果行識者恨之己未遭繼妣南夫人喪先生年已七耄不脫經帶饋
奠必親哀毀以終三年屢經延具之憾自乙未至庚戌才子二人未冠而
歿戊午長子上舍公又不淑先生以理排遣不以存亡傷生上舍公之喪
也先生號天一勸曰天容余又曰止兒好禮吾當以禮治喪小斂時裕長
長衣闕先生以平日所著者斂之適姻家致禮一件先生曰化者有知必
不自安非得正以斃之道吾不忍也卽命解斂以易之丁未冬命駕沙村
溯風作行因有司視之患庚午以後不能辨物時有著述倩手口號辭理
俱到麈翁行狀其絕筆也辛未秋姊子趙居讓來候請先生手書數句詩
語先生瞋眼濡毫書贈一絕筆法勁古詩格清健其充養之有素可驗矣
壬申三月二十八日宿患猝斃無一言及家事惟以宗冑之未冠縷縷為
言四月三日戌時易箒于精舍之右室享年八十二以是年六月二十六

日葬于下川坊涑谷坤向之原配豐山柳氏通德郎後元女修巖先生去
孫也生一男卽上舍公先先生卒繼配順天張氏士人大龍女生三男長
仲俱歿季鼎輝上舍公無子以鼎輝之子榘嗣女三適李以王金宗夏
時欽鼎輝二子皆幼其長爲上舍公後者也先生聰詣卓絕氣質剛毅少
從九思翁聞古人爲己之學及登湖上夫子之門專心問學講質疑義心
經夜氣章本註之誤中庸戒懼不可偏屬靜之論屢被師門獎許同志長
德如后山川沙二公面商書確殆無虛歲於川沙公居在一鄉分契尤密
前後往復幾至四五十書至於致曲之說辨論不已務歸至當蓋學之所
造者因此而益深矣其爲學也以主敬爲本所居之室扁以主敬靜坐終
日不見有惰慢之容嘗以爲敬者聖學之所以成始而成終也自古聖賢
持敬淵源論敬旨諉昭在方冊而其言散出學者未易徧看遂博攷經傳
編崇敬錄二卷其末係以懲省錄以寓警戒之意其用工之方可見於此
矣其爲德也少有卞急之病遇事或過當子姪有過失面責不少貸自謂
未免太陽之餘證而及其靜養之久經歷之多嚴厲者漸至和平躁暴者

漸至寬緩誨人則諄諄忘倦接人則侃侃有節有不可以一偏稱之也其讀書也自幼嘗留意文章於書無所不覽於文無所不讀自詩書左馬至唐宋諸家及皇明文皆定遍數成誦以至天文地志兵學字書必欲博究廣搜忽自悟曰吾儒家計不在於是除去舊習不觀雜書專意於四子心近朱子書心惟口誦字索句求於節要用力最濶俯讀仰思如誦己言晚患阿睹至不能視而勉學之心老而彌篤每夜誦易乾坤二卦書洪範詩抑戒禮記儒行篇大學誠正修三章曾論顏冉問仁章孟子仁人心牛山章中庸首末二章洛建諸賢大文字數十篇周而復始復作程課辨其音釋正其句讀翫其辭而求其旨非尋摘章句掇拾華藻者之比也其日可見之行則其色莊其言厲其閒居也昧爽而起盥櫛衣冠老益自強几案必正書冊器用必整飲食則匙箸有定數行步則杖屨有常處其祭祀也果菜糝糕之品皆躬自檢看拜跪奠獻極其誠敬不以筋力既衰少懈平生不喜粉華衣取蔽體食取充飢瓢簞屢空人不能堪而處之裕如也辭受之節斬截不苟人或饋遺者必問其所從來處未嘗有一毫非義之

取戊午以後婦寡兒弱居養愈失便宜而家門之內常怡怡然其操執之堅樹立之確求之今世實罕其倫矣其著述也則詩文筆札皆有矩法痛苦一吟九思翁許以咄咄逼退之金陵詩序鄭公謂之有明儒口氣優餘渾浩翕濶宏博末乃以濂洛之文為歸趣以林下一布衣典山南著作之衡墓道之刻紀行之狀前後相繼既為著崇敬錄以啓後學東方邪學之禍將至於滅絕人類而順菴之辨晚谷之論猶未覩破窩窟按伏真藏故特為天學宗旨圖辨使世之迷惑者有所開悟中何嘗不在裏面一句朱子嘗非之已成斷案而近日山南先輩復申南軒之論中和體用之義因此漸晦故著為辨說以破其疑病世之人乾沒名場不明於公私義利之分欲作王伯辨以卜之而未及下手禮說則一遵家禮參互攷訂而答人疑問常變隨宜至若讀書謬錄所載數條無非關世道凌疑案之論而通講會儀亦可為學宮援行之定規先祖遺集刊布已久而年譜尚未完本積歲裒粹費用精力始成一通使為日後繡傳之地族譜草本散無紀敘派系子姓難以攷載又為世牒一冊纖悉無遺俾有所攷据而取信焉雖

未得措諸事業有所施設而志趣之正學力之篤豈俗學拘儒所可及哉
 先生易簣前三日已不能言而精神不亂幌巾溺器之在傍者必手自覓
 取於故處粥飲有常度唾涕輒親拭整巾就枕而逝非有平日定力烏能
 如此世之論先生者但知文章之美而不詳其學問之懿屢稱其操守之
 固而不悉其踐履之實子姪之親切及門者皆已逖逝其言行始終無由
 考得其萬一如小子之後生蔑識言語卑弱何足以闡發幽光以圖不朽
 於來許也茲敢記述其大槩如右或有以藉手於當世立言之君子云
 上之十四年甲戌五月日三從姪鼎周謹述

世譜編纂時任員錄

都廳

掌財

收單有司

幼學申元鎬

幼學申泰彦

幼學申琪源

申燦基

申鍾榮

申承遠

申在薰

申龜洛

申泳錫

都監

申在運

申漢錫

幼學申燦基

收單有司

申泰榮

申熙績

幼學申昇遠

正書

申泰遠

申在驥

幼學申學錫

申在允

申熙叔

申在洙

申鈺

申冕錫

申奎燮

委員申鍾善

申台鎬

申庚錫

幼學申錫珪

申碩遠

申龍河

申世基

申熙瑢

申鎔秀



幼學申熙田

幼學申景遠

幼學申元植

申在遠

申炳元

申萬守

校正都監

申相洛

申福根

幼學申光鎬

申貞錫

申鏞基

申宗漢

申鳳基

監印

申定基

申在英

幼學申西鎮

申錫甫

申鍾翕

申熙汶

申天錫

申弼遠

申鳳洙

總務

申在武

申泰麟

申圭錫

申熙東

申泰鮮

申相鎬

申洪錫

申泰學

申聲遠

申光洛

申頴植

申鍾錫

申東榮

原

行列字

三十世

○忠

○憲

三十一世

○鉉

○銖

三十二世

○澤

○淳

三十三世

○柄

○楨

三十四世

○煜

○燉

三十五世

○圭

○墉

三十六世

○鑰

○鎰

三十七世

○泳

○海

三十八世

○模

○相

三十九世

○燁

○燦

四十世

○均

○培

四十一世

○鐸

○銓

四十二世

○浩

○淵



백인제기념도서관

Paik Inje Memorial Library